



31406

EST. 1800

31407P

Aug. 11. 1911

Handwritten red ink scribble, possibly a large 'C' or '6'.




302




Hist. 3247.











V I T A  
S. JOHANNIS CANTII  
P O L O N I.



VITAE  
S. JOHANNIS CAVALIERIS  
PROLOGUS



DE REBUS GESTIS  
S. JOHANNIS CANTII  
P O L O N I  
PRESBYTERI SÆCULARIS  
AC IN ALMA  
UNIVERSITATE CRACOVIENSI  
SACRÆ THEOLOGIÆ  
D O C T O R I S  
ET PROFESSORIS  
LIBER UNICUS.

*Quos beatissimos prædicamus, ad eorum beatitudinem tota  
aviditate curramus; quorum delectamur præconiis,  
eorum sublevemur patrocinis.*

*S. Ber. Serm. de Festo Omn. SS.*



ROMÆ MDCC LXVII.

---

Typis Michaelis Angeli Barbiellini  
IN ÆDIBUS DE MAXIMIS.  
*Superiorum Permissu.*



2. JOHANNES CASIMIR  
2. JOHANNES CASIMIR  
P O L O N I A

UNIVERSITÄT GRACOVENSIS  
D. THEOLOG. FACULTÄT  
BIBLIOTHECA


314071



BIBLIOTHECA  
VNIV. IAGELL.  
GRACOVENSIS.



( III )  
S A C R O  
EPISCOPORUM SENATUI,  
*ECCLESiarum*  
CATHEDRALIUM , COLLEGIATARUM,  
PRÆLATIS ET CANONICIS ,  
PAROCHIALIUM PRÆPOSITIS , RECTORIBUS ,  
UNIVERSOQUE SÆCULARI CLERO ,  
REGNI POLONIÆ.

uo potissimum in caus-  
sa sunt, quibus ad in-  
scribendam Vobis S. JOHAN-  
NIS CANTII vitam adduci-  
mur. Alterum eximia illa pie-



(IV)

tas Vestra erga Doctorem &  
Collegam olim nostrum, qua  
a teneris imbuti, de adpro-  
batione primum miraculo-  
rum eo intercedente patrato-  
rum, tandem de Canoniza-  
tionis decreto, in gaudia, in  
plausus effusi nuntium acce-  
pistis; solemnes Deo gratia-  
rum actiones, quod Gentis  
nostræ vota, diuturna desi-  
deria, & longas expectatio-  
nes coronaverit, persolvistis;  
atque Thaumaturgi hujus pa-  
trocinio Patriam, & Ecclesias  
Vestras in difficillimo cum  
diffi-



diffidentibus a Religione Catholica præfenti ftatu , enixis ferventibusque precibus commendastis , & ufque in hanc diem commendare perfistitis.

Alterum honor Vester eft, ex decreta enim CANTIO per Vicarium Chrifti Romanum Pontificem , fuprema in Univerfali Ecclefia apotheofi , in Vos ejufdem Patriæ Cives , ejufdem Hierarchici corporis membra , eodem charactere Sacerdotali inſignitos , ac plurimos Animarum Paſtores redundat decus peculiare , ita ,  
ut



(VI)

ut potiori jure quod olim de Judith præcinebant habitatores Jerufalem, (1) CANTIAM gloriam Sacerdotii, honorificentiam populi nostri compellare possitis.

Hac ergo una, & altera excitati ratione, res ab eo gestas, concise pertractatas Vobis offerimus, ut ad eas sectandas stimulum addamus; inspiciite itaque, & secundum exemplum facite! (2) Memoriae proditum in Scripturis legimus, Jacob Patriarcham

vir-

---

(1) *Judith* Cap. 10.

(2) *Exod.* 15.



virgas cortice exutas, ubi greges Laban potarentur, appuisse; ut illarum aspectu, diversi coloris fætus conciperent (1), hoc in opusculo diversas CANTII virtutes præ oculis habetis, tenete vestigia, atque „imitari non pigeat, quod celebrare delectat (2)„. Id neutiquam præloquimur, quasi de Vestra religione, pietate, ac integritate vitæ dubitemus, aut dubitare possimus, sed quod Regni nostri necessitates ad-

pri-

---

(1) Gen. 30. (2) S. Aug. Serm. 47. de Sanct.



(VIII)

prime nunc exposcunt, in me-  
moriam revocamus, atque  
eo potissimum fine, ut qui  
Polonis,, in terris visus est,,  
CANTIUS,, exemplo, in Cœ-  
,, lum levatus sit patroci-  
,, nio,, (1).

---

(1) *S. Bernard. Serm. 2. de S. Victore.*

Doctores, & Professores  
*Generalis Studii Universitatis Cracoviensis.*







# DE VITA ET REBUS GESTIS S. JOHANNIS CANTII

## CAPUT PRIMUM.

*Ortus , ac puerilis Johannis institutio .*



ON est exiguæ felicitatis censenda res ,  
a Miecislao , qui primus omnium Prin-  
cipum sua , gentisque nostræ Evange-  
lii legibus subdidit colla , Poloniam  
quemadmodum Regibus Christianæ Re-  
ligionis vindicibus , atque assertoribus ; ita pietate exi-  
miis , ac sanctitate præstantibus viris spectandam se  
præbuisse . Ex ipsa continuo subeunte humanæ salutis  
XI. sæculo , quodam veluti fidei vere , primi Marty-  
rum prodire flores Benedictus , Johannes , Matthæus ,  
Isaac , atque Christinus Eremitæ Fratres , Divique Adal-  
berti Episcopi , & Martyris peregrinationis , ac laborum  
Prussis evangelizandis comites : iisque affinis Stanislaus

A

Cra-



## 2 DE VITA ET REBUS GESTIS

Cracoviensis Antistes, sacrilega Boleslai Regis cognomento Audacis, dum intemerati Agni hostiæ operam daret, peremptus manu. Excepit exinde gremio XIII. sæculo Vincentium, qui Cracoviensi Insula abdicata Cisterciensem in Andreoviensi Monasterio regulam professus est; Hyacinthum, & Ceslaum germanos Fratres ex Prædicatorum Ordine; Hedvigem, & Cunegundem Poloniæ, Salomeam Haliciæ Diademate redimitas; & sæculo XIV. B. Johannis de Dukla Russia illustrata ortu per senos ejusdem summæ notæ Alumnos ex una Cracovia nitidioribus radiis est cumulata. Hos autem inter, Aris quos dignandos protulit, instar prænitidi Syderis altius emicare Johannem dixerim, Cantium nuncupatum a Kenty natali solo, haud ignobili Cracoviensis Diocesis Oppido: Stanislao siquidem Consulari viro, & Anna parentibus religiosissimis progenitum, inque lucem editum octavo Kal. Jul. anni MCCCCLXXXVII. a salutaris Dei Servatoris adventu; ipsa Christi Præcursori sacra dies, ipsumque Johannis inditum nomen, magnum coram Domino futurum, innuere visum fuit. Nec omni absimilis cessit eventus rei, in id sedulo nitente Patre cum lætissima Conjuge; e cujus pectore lac, atque pietatem simul hauriens gradu eodem Puer concreviscebat ætate, quo sapientia apud Deum.

Itaque deferre Parentibus; ipsorum monita, objurgationes humili, atque hilari excipere fronte; ad tolerantiam animum, ad gravitatem vultum componere: ad laborem, & ad vigiliam firmare membra antea



tea didicit, quam syaderet ratio; rejectis non modo sæculi illecebris, sed & nugis illis, quibus (incolumi Christiana innocentia) oblectatur juvenus: Hinc Tobiam referens nil puerile gessit in opere, ac sanctæ institutioni accomodam præferens indolem, in ætatem plenitudinis Christi facile efformari potuit, ab ipsis prope incunabulis nostræ Religionis rudimenta edoctus; per quæ coelesti gratia admovente manum, & in Deum, & in ejus Virginem Matrem peculiarem ebibit cultum.

## CAPUT II.

*Ejus Adolescentia, & Studiorum ratio  
in Academia Cracoviensi.*

Quamvis permulti præclari Principis Poloniæ sceptro potiti fuerint, solus tamen ex omnibus Casimirus hujus nominis II., ac e paterna Piaſtorum postremus progenie magnus est nuncupatus ob tot, ac tanta magnificentia monumenta, quæ plurimum Regni majestati, gloriæ, præsidio, decori, & ornamento conferrent; Hic enim præter duas Collegiatas in Arce Cracoviensi, sacram unam Archangelo Michaeli, Divo Georgio alteram; xxxiii., vel prope Parochiales erexit Ecclesias: Prohodochium Stradomienſe; Corcini, Petricoviæ, Califfii, Lanciciæ Monasteria construxit, & Mogilnense perfecit; xxv. oppida, & Castella sepsit moeniis: demum condita Civitate, e suo nomine Casimiria appellata, Viſtula tantum amne olim a Cracovia sejuncta, ad



#### 4 DE VITA ET REBUS GESTIS

eam generalis studii exornandam cultu, animum atque curam adjecit. Ab eleganti domorum structura exorsus, dum venandum inter fugienti imminet cervo, procumbentis Equi collisus pondere, atque concepto ex eo casu, diu cum morbo luctatus, nonis Novemb. mcccclxx. & vitæ, & consumandi operis eripitur gloriæ.

Casimiro elato Ludovicus Hungariæ Rex, Polonia solum conscendit, nihilque de Reipublicæ commodis, ac de studiis cogitantem mors occupat. Hedvigem Patri sufficiunt Regni nostri Proceres, atque Electores; Cracoviamque deductam a Demetrio tituli Sanctorum quatuor Coronatorum Presbytero Cardinali, & Strigoniæ Metropolitano Præsule, in Poloniæ Reginam inungi, ac consecrari curant per Gnesnensem, Uladislaviensem, ac Poseniensem Antistites idib. Octob. mcccclxxxiv. solemni nobis S. Hedvigis festo die, utriusque Regni Bohemiæ videlicet, atque Poloniæ pompam ingenti decorante frequentia. Sponsi, qui tantæ Virgini par haberetur, electio supererat: at diu hærendum non fuit, nam Jagello Lithuanix Dux elegantis formæ illectus fama, ablegatis Nunciis qui ejus deposcerent dexteram, jungendi Magni Lithuanix Ducatus Polonicæ Dominationi, Catholicæque complectendæ Religionis præstita sponsione, communi omnium voto & Solii, & Thalami consors accersitur Hedvigis. Princeps hic de Poloniæ Regno optime meritus, non tam belli artibus, quibus præter alia, quamplurima præclara facinora, crebro rebellantes, ac victoriis insolentes compescuit Cruciferos: consilii dexte-  
rita-



## S. JOHANNIS CANTII.

5

ritate , atque animi robore , quibus labanti succurrit Reipublicæ : quam comitatæ morum , Religionis studio , & regalis munificentiae commendatus frequentissimis monumentis , adhuc nobis amori est : quippe qui Apostoli , ac Regis foederato nomine in Lithuaniam , & Samogitiam Christi invexerit fidem : quamplurima utrobique extruxerit Tempia , & Episcopales erexerit Cathedras splendidissimis donis , uberrimisque redditibus attributis . Sed ad tanti Regis explendas laudes , & ad nostram rem repetendam illud occurrit , quod animo reputans Uladislaus ( hoc a baptismo Jagello tulerat nomen ) non arma solum , litterarum etiam studia Reipublicæ conducere rationibus , ceptum a Casimiro repetendo opus , Cracoviensis Academiae fundamenta jecerit ; & collectis undique ex Regno , affinisque nationibus summi nominis Praeceptoribus , ac eximiae spei adolescentibus illi maximum splendorem conciliaverit .

Ad hanc infantia jam evoluta , adolescentiae , quam domi grammaticis artibus imbuendus impenderat , reliquum daturus florem sublimioribus disciplinis , Johannes applicuit animum ; nec mora a parentibus facta , quo tantæ expectationis indoli pares essent , prout ipsi in votis fuerat , traduci contigit . Ingenium natura expeditum , judicium maturitate absolutum , addiscendo celer , costans retinendo memoria se statim ostento praebuit , quamvis contemptus sui præclaris hisce dotibus tenebras impense offundere conaretur . Nec exurgentis plantæ cultui Academiae Institutores qua pietate , qua  
doctri-



## 6 DE VITA ET REBUS GESTIS

doctrina spectati defuere, sed æmulam adhibentes operam præmature extulerunt ad fructum.

Verum litterarum nitorem, quem in scholasticis exercitationibus prætulit, imparem Christianæ disciplinæ appellaveris; vitæ innocentiam si inspicias illum ad severioris virtutis speciem componentem, & perpetua Dei dilectione avertentem a malo. Noverat optimus Juvenis a supremi Numinis timore perennes scientiarum effluere rivos: hinc eo firmatum deferens animum, doctrinæ aquis admovit labia, per effusa fluenta illas exinde in alios derivaturus; quin unquam in præruptos juvenilis licentiæ tramites ne vel levissime abripi potuerit, aut proclivi ad voluptatem ætate, aut consortio adolescentium ad eam Urbem confluentium e tot & Coelo, & moribus diffitis regionibus.

### C A P U T III.

*Doctorali Philosophiæ laurea donatur, &  
Decanatus in eadem facultate binis  
vicibus obit munus.*

**I**Nitium Johannes fecerat studiis in Cracoviensi Academia, illam moderante Stanislao de Scarbimiria utriusque Juris Doctore Christi anno mccccxiii.; perque humaniora transgressus, quum Philosophiæ dedisset operam, facultatis hujus lauream emeritus, consequutusque est illius propediem institutæ Universitatis xv., Domini vero anno mccccxv.

Et quia ex legum præscripto post illam adeptam unus  
& al-

## S. JOHANNIS CANTII. 7

& alter absolvendus erat annus perlegendis libris, difficultatibus explicandis, ac quæstionibus proponendis antequam divinæ scientiæ Doctor renunciaretur; incredibile est quantum his æquandis navaverit curæ præ cæteris suorum studiorum æmulis. Interim de thesauro suo in diem nova, & vetera proferens, in Philosophiæ Decanum expetitus tanta ingenii, doctrinæque præstantia Cathedras moderatus est, ut universis Academiæ suffragiis præclara illa Provincia ipsi iterum fuerit demandata.

Nec abs re brevi calamo hic excurrere videar, neminem in Cracoviensi Accademia Decanatus augeri honore, cujus non antea comperta vitæ probitas, & eruditionis delectus fuerit exploratus; quum ejus intersit in medium de naturalibus rebus quæstiones proferre, vera falsis, falsaque veris involuta discriminare, propugnandi methodum edocere, disputationes statutis diebus indicare, ac æqui Judex dirimendis Controversiis arbiter assidere.

## C A P U T I V.

*Sacræ Theologiæ studia aggreditur; Doctor in ipsa renunciatur; ac Sacerdotio insignitur.*

**S**ED iis immorans, Sacræ Theologiæ sibi impensiori labore incumbendum ratus, non antea se illi commisit, quam Sancti Spiritus implorato lumine, castam divinæ Sapientiæ Parentem ascivisset opitulatricem. Quid proinde mirum tanto ductu per abditiores, remotioresque illius cœlestis scientiæ vagatum semitas fatigio



## 8 DE VITA ET REBUS GESTIS

stigio hæsisse; ac ingenti cunctorum Ordinum gratulatione Doctoris nomine insignitum, adhibitumque Cathedris magno Cracoviensis Academiae incremento, summum illi contulisse splendorem? Quos profusæ, atque altissimæ ejus doctrinæ Testes adhibeam, & si plurimi occurrant mihi; unum tamen, & alterum Simonem Starovolscium (1), & Fabianum Bircovium præclarissimi Prædicatorum Ordinis Alumnum subjiciam (2). Poloniae Salomon non immerito appellandus, dignusque, quem omnis ætas Reginae Sabæ demiretur verbis:  
 „ Verus est Sermo, quem audiui in terra mea super  
 „ sermonibus, & super sapientia tua.... Major est sapientia, & opera tua, quam rumor quem audiui „  
*Reg. 3. cap. 10.* sive ingenii, sive dicendi & robur, & copia, & elegantia spectetur.

Ut primum autem opportunum Cantio obsequendi Deo illum ad Ecclesiasticæ vitæ disciplinam vocanti  
 afful

(1) Sim. Star. in sua Polonia impressa Coloniae anno 1632.. Sanctus quoque Johannes Cantius vir utique eximia sanctimonia, sic & præstanti excellens doctrina apud S. Annam quiescit.

(2) P. Fab. Bir. in lib. cui tit. orationes Ecclesiasticæ trigintaquinque anno Dom. 1622. Sydus unicum Cracoviensis Academiae, ornamentum singulare catholicae Ecclesiae, virum præstantissimum, cujus præcipua pars in Caelos abiit, plurima in me-

moria hominum remansit fama rerum, quem doctrina, & virtus mori vetuit, ut pote virum laude dignissimum, qui romanum Catholicum habebat pectus forte, doctum, & omnibus repletum virtutibus.... Dives Patetfamilias proferens de thesauro suo nova, & vetera, & exornans amplissimis sapientiae divitiis domum Dei sedens quasi Rex David in Cathedra sua, nodos questionum subtilissime dissolvens.

## S. JOHANNIS CANTII.

affulsit tempus, Clericali militiae continuo nomen dedit, ac per inferiores progressus Ordines, summum tandem Sacerdotii conscendit gradum; onus Angelicis etiam pavendum humeris non reformidans, quia lex veritatis semper fuit in ore ejus, & iniquitas non est inventa in labiis ejus: *Malach. cap. 1.* Perfectiorem nihilominus hominem, perfectioremque induens spiritum; etsi totus additamento virtutum occuparetur, Academiae tamen muneribus, & proximorum saluti nequaquam defuit, Domini attendens sermonem per Malachiam dicentis, „ Labia Sacerdotis custodient scientiam, „ & legem requirant ex ore ejus, quia Angelus Domini exercituum est, „: *Ibid.* Angelus revera & morum nitore, & muneris necessitudine, qua vel Dei clementiam, vel ultionem populis nuntiavit.

## CAPUT V.

*Quae in Academia Cracoviensi instituendi ratio,  
ac quanto studio renunciatus Professor  
Academicus, suo munere perfunctus est.*

**A**cademici Institutoris subeuntibus onus ex Legum statuto praescribitur, ut posthabitis vel parum consonis Christianae fidei scientiis, excipiendas tantum proferant, „ amplectentes eum, qui secundum doctrinam „ est, fidelem sermonem „: *Ep. ad Titum cap. 1.* Ita Religioni, & Regno prospectum iri egregie cordati Fundatores illi animadverterunt, quum unice sapientia, quae ex Deo est imperia communiat, pietatem foveat,

B erigat-



erigatque animos ad arcana æternæ nostræ salutis My-  
 steria. His Johannes admonitus, atque grassante per  
 Angliam, ac Hollandiam non modo; verum & per fini-  
 timam Poloniæ Germaniam Schismatici, hæreticque  
 dogmatis labe, dolens Pauli prædictionem impletam:  
 „ In novissimis temporibus discedent quidam a fide,  
 „ attendentes spiritibus erroris, & doctrinis Dæmonio-  
 „ rum „: *Ep. ad Tim. cap. 4.* adeo caute in schola-  
 sticis lectionibus seligendis se gessit, ut ne attingendum  
 quidem duxerit ea „ quæ quæstiones præstant magis,  
 „ quam ædificationem Dei, quæ est in fide „. *Ibid. cap. 1.*

Severioris igitur disciplinæ rationem complexus,  
 Juvenum indolem explorare enixe studuit, quo vel aver-  
 sam revocaret ad rectam vivendi formam, vel ad il-  
 lam compositam alliceret, atque juvaret. Quibus asse-  
 quendis, quamvis vel ab infirmis annis Evangelicæ in-  
 stitutionis cultum redolisset, arctiori fœdere perfectio-  
 ni se adjunxit, atque Apostoli edoctus verbis „: Ne-  
 „ mo adolescentiam tuam contemnat: sed exemplum  
 „ esto fidelium in verbo, in conversatione „. *Ibid.*  
*cap. 4.* quum florenti admodum ætate se ad Cathedram  
 applicuisset, senilis prudentiæ ad honestatem morum,  
 precum, jejuniorum, ac corporis afflictationum ad la-  
 bores accessione omnia absolvit, quæ Christianum Do-  
 ctorem decent; quin perinde ac ipse, sui Auditores ob-  
 jurgationi Jeremiæ obnoxii unquam videri potuerint;  
 „ Quomodo dicitis sapientes nos sumus, & Lex Do-  
 „ mini nobiscum est „? *Jerem. cap. 8.*

## CAPUT VI.

*Ad regimen Pareciæ Oppidi Ilcusii assumitur.*

**P**ER assiduos ergo labores, & diu probatæ vitæ innocentiam tanto onore dignatus, majori Collegio nomen Johannes dederat, quum Ecclesia Ilcusii viduata Pastore in illius Collegii Professores, ad quos Parochi optio delata erat, converterat oculos. Quin vir Dei eligeretur diu ipsis in ancipiti consistendum non fuit: qui non sumens sibi honorem, sed vocatus a Deo tanquam Aaron *Epist. ad Hebr. cap. 4.* libenti animo onus illud inivit. Illuc extemplo properans, ac ingenti Civium lætitia exceptus, oves ut vocem suam audirent commonere præ cæteris aggressus est: postmodum accurate inspicere qua inficerentur lue; nec Isaïæ exprobrationi daretur locus: „Vulnus, & livor, „& plaga tumens non est circumligata, nec curata „medicamine, neque fota oleo „. *Isa. cap. 1.*

Verum probe noscens præcipuum Pastoris onus esse Dei verbi prædicationem, in eam adeo totus incubuit, ut quamcitissime commissum sibi gregem ad meliorem vitæ frugem traduxerit. Hinc alii ejurarunt scelera, alii cruciatibus attriverunt membra, alii crebro adierunt templa, alii jugibus lacrymis irati Numinis exorarunt clementiam, sanctissimi Ducis referentes formam, spectaculum facti Mundo, & Angelis, & hominibus: *Ep. 1. ad Corin. cap. 4.* Sublatis exinde simulationibus,



12 DE VITA ET REBUS GESTIS

animorum conciliator , plebis suæ corda eo arctioris charitatis devinxit foedere , ut una fides , & unus spiritus in illa videretur extare . Accedit & perpetua cura , qua rudes de legis præceptis , & præcipuis fidei Mysteriis interrogando , undique suo muneri par ; inventus est administer fidelis , quem constituit Dominus super familiam suam . Invidentis tamen Satanæ procuratione factum crediderim , ut Successor Cantio destinaretur , nisi animarum periculo perterritum abdicasse Pastoris onus & doctrinæ desiderio , nitentibus quibusdam Collegii Sociis ad repetendas pristinas lectiones revocatum , me moneret historia . Hoc unum tamen dicam , tristi quodam Ecclesiæ Ilcussii fato id contigisse .

C A P U T VII.

*De Fide Cantii in Deum.*

**M**Artham hæcenus expressi magis , quam Magdalenam : Ad hanc in integrum ut me convertam nitidissimum spiritus proferam cultum , atque a fide exordiar , quæ virtutum omnium radix , & scaturigo est ; quamque in cunctis adhibendam Apostolus monet , ne armis Satanæ fidelis anima faucietur (1) . Quantalibet præstantem specie hanc portendit puerilis Johannis ætas , qua scite calluit , veneratusque est augustissimæ Trinitatis Mysterium ; & adulta qua sanæ semper

---

(1) In omnibus sumentes scutum Fidei , in quo possitis omnia tela nequissimi ignea extinguere . Ep. ad Eph. cap. 6.

per doctrinæ studuit illam vel comparando , vel tradendo ex Cathedris , atque suggestis . Ingens quinimo ejus dilatandæ ardor præsto est , quo impellente , Terræ Sanctæ peregrinatione suscepta , Christi Crucifixi nomen nunciare barbaris Asiæ populis non exhorruit , sanguinem adhuc profusus , ut illos ab impiissimis Mahumetis erroribus averteret , & Catholicæ fidei manciparet obsequiis : „ Et quia corde creditur ad justitiam , „ ore autem confessio fit ad salutem „ . *Ep. ad Rom. cap. 10.* Quod fidei testimonium a Cantio requiretur Martyrio illustrius , quamvis ejus subeundi arcano Dei consilio ipsi prærepta occasio fuerit ? Martyrem enim non sanguis tantum , sed & Martyrii efficit desiderium .

Quamquam ajente Hieronymo : „ Non solum effusio „ sanguinis , sed devotæ quoque mentis servitus imma- „ culata quotidianum martyrium est „ : *Ep. 25. ad Eustoch.* huic impar censenda non est rigida illa timoris Dei disciplina , cujus ope fortiter in via mandatorum gradientem , constans fama est , collatam ipsi in baptismo gratiam ad mortem usque asservasse . Orandi assiduitas insuper , jugis cœlestium bonorum meditatio , supremi Numinis augendi honoris studium in , Salvatoris acerbissimam passionem , in sacratissimum Altaris Sacramentum , ac in Deiparam Virginem effusa devotio , singulis quibusque numeris absolutam Johannis comprobant fidem ; æque ac gratia tot tantorumque signorum , quibus & dum in vivis ageret , & posteaquam ad superos traslatus est adeo claruit , ut ejus nutibus audiens fuerit non



#### 14 DE VITA ET REBUS GESTIS

natura solum , sed & naturæ Auctor summus , completurus omnia quæ credentibus in suo Evangelio sponderat se præstiturum (1) :

Justus itaque iste ex fide vivens , ut totus viveret fidei proposita sibi æterni Numinis clementia , quid sibi ex originalis peccati lege deberetur , quidque fuerat assequutus per gratiam meditabatur (2) . Subibat exinde animum summum illud incommutabile bonum morienti justo retribuendum ex Christi meritis , quem oportuit pati , & sic intrare in gloriam suam . *S. Luc. cap. 24.* hinc alacri conatu ipsius Cruci adponens humeros , novam ex ea hausit vitam tanti Ducis ad exemplar se conformando (3) .

\* \*  
\*

CA-

(1) *Signa autem eos , qui crediderint hæc sequentur : in nomine meo Dæmonia ejicient : linguis loquentur novis : Serpentes tollent & si mortiferum quid biberint , non eis nocebit : super agros manus imponent , & bene habebunt . S. Mat. cap. 16. Habete fidem Dei . Amen dico vobis quia quicumque dixerit huic Monti : Tollere , & mittere in mare ; & non hesitaverit in corde suo , sed crediderit , quia quodcumque dixerit , fiat , fiet. Idem. cap. 11.*

(2) *Cogita quid per legem tibi imminere debebat , & quid per gratiam consequutus sis : Si con-*

*sequutus es gratiam fidei , eris justus ex fide ( justus enim ex fide vivit ) , & promereberis Deum . Vivendo ex fide , accipies præmium , immortalitatem , & vitam æternam . ) S. Aug. tract. 3. in Johan.*

(3) *Summum bonum præstari hominibus non potest nisi per Christum , & hunc Crucifixum , cujus morte mors vincitur , cujus vulneribus natura nostra sanatur : ideoque justus ex fide Christi vivit . Ex hac enim fide prudenter , fortiter , temperanter , & juste ; ac per hoc his omnibus veris virtutibus recte , sapienterque vivit .*

## C A P U T VIII.

*De Religione in Deum.*

**D**Eo, quem fide credimus, per Religionem debitum persolvimus cultum in spiritu, & veritate; quemadmodum ipse Dei Filius testatur. „ Veri adoratores, res adorabunt Patrem in spiritu, & veritate; nam „ & Pater tales quærit, qui adorent eum „. *Johan. c. 4.* Quanto autem studio virtus hæc sit exhibenda, ostenditur per Israeliticum populum, qui, nondum universa Chanaanorum regione subacta, ad Siluntem testimonii locavit tabernaculum cæremoniis legis daturus operam, ut hostiam immolaret Altissimo (1). Ad eam unice efformatus videbatur Cantius, vix enim concipi potest quantum in divinis mysteriis, sacrisque Ecclesiæ pertractandis ritibus pietatis, curæ, atque solertiæ impenderet. Ab incruento Christi corporis sacrificio nunquam vel gravissimis negotiis, vel ægritudinis difficultatibus præpeditus abstinuit. Aderat ei continuo alta illa Majestas, quæ Coelum, & terram implet; trepidanti proinde animo ad tantæ gloriæ occursum humilibus precibus proolvebatur, quo rerum omnium Dominum sibi conciliaret. Quamobrem dum ad Aram procederet, composito ad modestiam vultu, mente in sacratissimi Mysterii contemplationem abrepta, Cherubim referebat igne chari-

---

(1) *Laudanda profecto est populi religio, cui ante omnia curæ est Dei sacrarium, & cultus divinus. Masius.*



charitatis æstuantem, illumque in adstantes fideles derivantem, ea animi significatione, ut totus effusus in lacrymas, has etiam ab illis quandoque eliceret.

Dolebat perduellis spiritus eximio hoc Servi Dei cultu divinam augeri gloriam, atque animarum profectum; hinc ira excandescens se convertit ad dolos. Frequenti spectante populo quodam brumalis temporis die sacris operabatur Johannes, jamque consecrationi imminabat, quum repente subit hirundo protensis alis, ac garrienti ore inconditum sonitum edens. Ut moris est ejus advolatu ab altari avertuntur oculi & corda, non sine gravi moerore divinorum ministri, qui teterrimi hostis e Cœlo didicerat astum. Ferventiori nihilominus conatu sacrificium prosequitur, illoque perfunctus ad Templi properans fores, nitentem aufugere hirundinem apprehendit, elevatque manum ut allidat ad terram. Tunc circumeffusa turba rogare insonti velit parcere Aviculæ: At ipse, insons hæc avis? eamque projiciens, cernite cujusnam generis sit, inquit: quæ trucis, immanisque Draconis induens formam, ac horribili sibilo adfremens subito evanuit.

Eodem pietatis cultu Deiparam Virginem venerabatur. A puberi ævo quum ejus tutelæ se commisisset, nullum præterlabi sinebat diem, quin pluries honorem aliquem illi persolveret. Sed & per singulas noctes dum medium silentium tenerent omnia, ad Iconem contendens januæ Collegii majoris adpictam, ac exprimentem illam dolentem ad aspectum Filii e sepulcro adparentis, atque

S. JOHANNIS CANTII. 17

ex lateris vulnere magnam Sanguinis vim profundentis procumbebat genibus , dirissima utriusque reCOLens mente supplicia , eo miserationis sensu , ut persæpe voce ab Icone illa prodeunte meruerit relevari . Hoc demum Religionis studium commendat non modo honor ab ipso sacris exhibitus Ædibus , Zelus , quo declamando e suggestis in impios , atque sacrilegos illarum profanatores efferbuit ; sed & sollicitudo ne festi dies servili opere violarentur ; ne Supremi Numinis , Virginis , atque coeterorum Sanctorum nomini detraheretur blasphemii .

C A P U T IX.

*De Spe in Deum .*

**F**idei proxima spes : quæ nobis est , velut anchora , quæ retinet animam nostram ne commoveatur , . *Tex. Syr.* tanto sui præsidio vallaverat Cantium , ut ab illa nunquam exciderit vel Doemonis astu impetitus , vel infirmæ naturæ casibus fractus . Fidei oculis contuens divitem in omnes , bonum , atque fidelem Dominum , spem omnem intenderat præmiis paratis a Christo Filiis adoptionis per sui sacratissimi Sanguinis merita : spem inquam illam , quæ in præsentī tempore est quædam vigilia solemnitatis æternæ . *S. Laur. Just. tract. 8. de Spe cap. 2.* Qua enim teneretur cupiditate Mundi hujus ? , Ubi morbi , ubi præmaturæ mortēs , ubi calumniæ , ubi invidiæ , ubi desperatio-  
C , nes ,



## 18 DE VITA ET REBUS GESTIS

„ nes , ubi iræ , ubi cupiditates , ubi innumerabiles  
 „ infidiæ , ubi quotidianæ sollicitudines , ubi perpetua  
 „ sibi que cohærentia mala sunt innumeros ex omni  
 „ parte labores afferentia „ . *S. Johan. Cryf. in orat. de S. Philog.* A teneris ergo annis instructus armis Evangelicæ perfectionis , per quam anima Creatori suo jungitur , quia noverat quod „ plus concupiscentia , „ quam substantia nocet „ . *S. Bern. Serm. in cap. 19. Evang. S. Matt.* a dignitatibus , opibus , ac oblectationibus abhorrens , sed & desideriis denudatus adversus principem tenebrarum harum processit ad pugnam , victorque cœlestem illam Jerusalem ingredi festinavit .

Verum quum ad firmandam spem demissus sapientiæ sensus , malis non expugnata animi virtus , atque explorata affantis Numinis voluntas conspirent ; (1) quantum horum accessione se in Johanne illa præstiterit inspiciendam ? Urgeret promptior veritas , ratio uberius assurgeret , in adversum tamen consistentibus cessit , ubi de naturalibus rebus esset concertatio instituta , acer tamen , ac vehemens quoties intemeratæ fidei candor errorum tenebris obvolveretur . Quis illa in adversis firmior ? Illudentibus comis , calumniantibus mitis , quin illatas ulcisceretur injurias , apud Deum pro persecutoribus deprecator accedens , humani generis hostis elusit insidias , qui eum provocabat ut maledicens animas illorum

---

(1) *Tria hæc roborant spem . stantis patientiæ : Tertium veritas inspirationis occultæ . S. Bern. in Sent.*  
*Primum est humilitas collatæ sapientiæ : Secundum firmitas con-*

lorum expeteret. De susceptæ denique vitæ instituto securus, audita Domini voce, qui induxit illum in nubem, nemo eo alacrior viam coelestium mandatorum emensus est, sciens sibi repositam esse coronam justitiæ a justo Judice repetendam. Quamobrem proposito sibi gaudio ad imitationem capitis sui toleravit probra, sustinuit irrisiones, & quot ante mortem pertulit supplicia, tot ei de se obtulit sacrificia. *S. Aug. serm. 44. de Sanctis.*

## CAPUT X.

*De Charitate in Deum.*

**C**haritas vinculum perfectionis in Christi exprimitur inconsutili veste, qua induti in unum coalescimus corpus, ut simus unum cum Deo sicut ille, & Pater unum sunt juxta Johannis testimonium. „ Qui „ manet in charitate, in Deo manet, & Deus in eo „. *Epist. B. Johan. cap. 3.* Quum autem rerum omnium Auctoris nobis dilectio præcipitur, ad quamdam divinæ naturæ participationem allicimur, mortis insuper injecto metu „ qui non diligit manet in morte „ *Ibid.* ut properemus ad vitam. Ejus vero præcipuus finis etsi sit summa bonitas, summa potestas; suppar tamen mihi videtur ille, quem profert Oleaster „. Quem „ admodum Deus te ut rem pretiosam custodit, pro „ tegit, ac recondit; ita vult te eum habere ut quid „ pretiosum, & desiderabile „. Quo ergo quanta in



## 20 DE VITA ET REBUS GESTIS

Deum charitate emicuerit Cantius enarrem, ipsam viri Dei vitam inspiciendam duxi, veluti quamdam tantæ virtutis exercitationem perpetuam. Adepta per fidem Creatoris cognitione, quidquid ageret, cogitaret, & loqueretur ad illud unice referebat, facem admovente intellectu, qui per sacrarum scientiarum arcana conceptum in voluntatem derivabat ardorem. Nihil in humanis propterea illius votis objiciebatur, cujus aspectu mens delectaretur ex toto corde, ex tota anima, & ex tota fortitudine in dilectionem nitens sui munificentissimi Domini, qui „ quidquid est cordis, quidquid mentis, quidquid virtutis humanæ ita voluit „ Dei amore possideri, ut hominis mundanus non haberet, quod violaret affectus „. *D. Chrysolog. ser. 147.*

Totus itaque in divinæ contemplandis naturæ attributis tam mira Spiritus suavitate perfundabatur, ut omnia ipsius verba hanc charitatem afflarent, dolens nec a se, neque ab aliis ea redhiberi cordis alacritate, quæ par esset Supremi Numinis largitati. Sed altiori, atque vehementiori mœrore angebatur ob humani generis scelera, in gravissima quæque mortis supplicia paratus, ut propulsaret injurias, quibus Conditoris Majestas afficiebatur. Huic ut occurreret ingrati animi vitio, in omnibus ferme Concionibus, quas frequentes ad populum habuit in audientium memoriam revocabat quomodo nos Deus e nihilo efformavit, quomodo in diem perpetuis nos beneficiis exornat, quomodo per Adæ culpam, quum essemus filii iræ, filii gehennæ, Unigenitum, sibi que  
con-

consubstantiali tradidit Filium, quo ejus cruore nos eriperet a potestate peccati. In privatis quoque colloquiis, quo intus aestuabat charitatis erumpebat ignis, in id potissimum studium impendens omne, ut intelligerent homines se ab omnipotente Opifice creatos, & eum amarent, & colerent. Ejus rei causa plerumque contigit, ut ii cum quibus familiariter ageret, uti optabat, aliquo charitatis stimulo perciti abirent, atque compulsi. Otii proinde, quietisque impatiens si quando sibi arrideret occasio quoquo modo efferendi, atque augendi Dei gloriam nullum reformidabat periculum, nullam obtestabat molestiam. At quia „ Modus diligendi Deum est diligere sine modo. „ *S. Bern. tract. de modo diligendi Deum*. Nihili pendens quaecumque etiam improbia exequeretur, ad nova, & enixiora semper provocabatur animo: & quamvis enervis viribus, atque ætate tabescens, nullum tamen laboribus adhibebat modum, acriter increpans illos, qui conquererentur se divinæ legis difficultatibus premi. Quemadmodum ad divinam voluntatem in omnibus sive secundis, sive adversis rerum eventibus se conformaverat, ita ab ea ut cuncti penderent inexplebili cupiditate tenebatur, quum hoc amantium unicum studium sit dilecto obsequi, obtemperare,

\* \* \*

\* \*

\*



## CAPUT XI.

*De Charitate in Proximum.*

**A**D legem implendam (1) charitati in Deum Proximi subijcitur dilectio, veluti animæ corpus ab ea perficiendum. „ Si diligimus invicem Deus in nobis „ manet, & charitas ejus in nobis perfecta est „. *Johan. Ep. 1.* Jam quanta hæc in Cantii invaserat animam, grandis operis sermo est; quum vel perpauci, vel nemo in ejus cultu illum fuerint prætergressi. Quæ Pastor obivit ut lussu gregis prospiceret salutem æternam; quæ Doctor ut sanæ doctrinæ verbis auditores in Dei contineret timore; quæ Evangelii Minister ut fidelium, ac infidelium animas Christo lucraretur: quia jam attingi brevibus, properaturus ad ea, quæ temporali proximi impendit bono, non omittendum reor, nunquam sacris operatum, quin pro populi peccatis dilecti Filii sui placationis hostiam irato offerret æterno Patri. Vir iste misericordiæ, cujus pietas nemini defuit indigentes omnes ita respiciebat, ut in ipsis Christum suis exhiberi oculis arbitraretur. Quam ab Academiæ Cathedra referebat mercedem ad illorum magis levandam inopiam, quam ad proprium usum, & commodum erogabat; dignus propterea qui Job sibi vindicet verba.

---

(1) Qui enim diligit Proximum legem implevit: Ep. ad Rom. cap. 13. Omnis autem lex in uno Sermonem impletur: Diliges proximum tuum sicut teipsum. Epist. ad Gal. cap. 5.

verba ., Ab infantia mea crevit mecum miseratio, &  
 ,, de utero Matris meæ egressa est mecum ,, . *Job.*  
*cap. 31.* Solemne inter cœtera hujus virtutis opera ipsi  
 erat, ut quoties pauper nudatus pedes obviam prodi-  
 ret, sua illi porrigeret calceamenta, dimisso interim  
 ad terram pallio propriam nuditatem protegens, do-  
 nec domum regrederetur .

Præ nimio rigentem frigore quadam die advertens  
 pauperem statim accurrit, detractoque sibi pallio illum  
 cooperuit, ne a quopiam conspiceretur solum cavens,  
 ut sui divini Magistri consilio staret ., Te autem facien-  
 ,, te eleemosynam nesciat sinistra tua quid faciat dextera  
 ,, tua ,, : *Matt. cap. 6.* Quam vero gratum, atque ju-  
 cundum id contigerit Deo, adparentis ipsius misericor-  
 diæ Matris testimonio comprobatum est: hilari namque  
 vultu Johannem ipsa alloquuta, ejus in pauperem & com-  
 mendavit pietatem, & representato pallio in Coelis re-  
 portandæ mercedis admonuit. Fœnere ferme eodem viri  
 Dei in proximum repensâ est charitas, quum Academiæ  
 Collegæ, ac adolescentes suæ crediti disciplinæ, carnis  
 frustum, quod inopi deprecanti stipem, præberi jusserrat  
 ejus mensæ invisibili ministerio repositum sunt demirati.  
 In cujus rei gratiam Collegii majoris Professores in po-  
 sterum adhibere mensæ quotidie consueverunt pauperem  
 hac superaddita lege, ut quoties ipsis comedentibus inops  
 aliquis adveniret, qui primus adverteret, iis moneret ver-  
 bis, *Pauper venit*, eoque, qui Præsidentis obtinet lo-  
 cum, *Christus venit*, respondente, optata egenus elee-  
 mosy-



mosyna muneraretur. Et quia charitas novis semper urgetur beneficentiæ stimulis, a nonnullis jam recensiti Collegii Professoribus annui legati sunt census, quibus vestes ad obtegendos inopes compararentur.

Prolixum esset singula persequi suæ in Proximum charitatis monumenta, omnibus enim omnia factus, ut omnibus prodesse posset, infirmis sollicitudine, consilio dubiis, egentibus ope, solatio moerentibus aderat, tanto misereantis animi ardore, ut instar Pauli aliorum calamitatibus & ipse teneri, atque concuti videretur (1). Prætereundum tamen haud puto, ad cuiusdam famulæ coerendas lacrymas fracti non modo lacte repleti vasis partes in unum revocasse corpus, verum & haustam ex Rudava aquam in lac vertisse, ne nimis asperæ Dominæ obnoxia illa fieret iræ.

## C A P U T XII.

### *De Prudentia.*

**S**upremo rerum Moderatori adscribenda optimæ naturæ indoles est, Parentum providentiæ institutio animi. Utriusque singulari cura quibusdam veluti innixa cardinibus soboles ad eas assurgit virtutes, quarum nitor ad laudem vitæ, spiritui ad sanctitatem efformando affulget. Has inter quum principem locum prudentia teneat; quæ inscribitur. „ Ordinatrix affectuum, & morum

---

(1) *Quis infirmatur, & ego non infirmor.* Ep. 2. ad Cor. c. 11.

„ rum doctrix „ . *D. Ber. ser. 49. in cant.* Cantii ingenium , judiciumque arridet illum ut exprimam , divina prorsus , atque humana omni hujus virtutis lege absolutum . Horum præsidio sibi igne , & aqua propositis (1) ne æternis ardoribus addiceretur , cœlestis gratiæ venis adjecit os , hausurus ex eis timorem Domini , a quo omnis sapientia initium ducit (2) . Adolefcens ætate , consilio maturus , quemadmodum a nugis , ac delectationibus vel innoxiiis abhorruit ; ita facrarum rerum studiis inhians , ex humanis ad ea tantum adjunxit animum , quæ ad illam sibi sternerent viam . Ab ea averfus , quæ carnis prudentia dicitur , illi unice navavit operam , quæ posthabitis terrenis cœlestia inquirat ; & in agendis nil aliud spectat quam Dei gloriam , perpetuamque hominum prosperitatem . Quidquid negotii privati sive , sive publici aggredere-  
tur , multis precibus præoccupabat , ne inconsulto rerum omnium Arbitro in malum cederet opera : illud præcavens , ut religioni , & animarum saluti consulere-  
retur .

Uti suam , ita commissorum sibi adolescentium vitam ad Evangelii componebat leges ; nec illorum tantum , sed & eorum quibus assuevisset , vel ad consilium adhiberetur , ad conciones , atque ad alia catholicæ institutionis munera .

D

Quod

(1) *Apposui tibi aquam , & ignem ; ad quod volueris porrige manum tuam , Eccli. cap. 15.*

(2) *initium sapientiæ timor Domini . Plal. 110.*



26 DE VITA ET REBUS GESTIS

Quod vero ad temporis rationem attinet, eam habuit, quæ vel minimam illius particulam inanem evolvi non sineret; certis ad hoc sibi præfinitis horis, quibus singulas actiones emetiretur, sua quibusque spacia designando. Et quamvis in Dei, ejusque legis jugi meditatione detineretur; ita tamen quod muneris sui esse intelligeret perficiebat, ut de sua præsentia, opera, ac vigilantia nihil unquam fuerit desideratum.

C A P U T XIII.

*De Justitia.*

**Q**uanta virtus justitia sit, verbis admonemur Apostoli ad Romanos scribentis. „ Non est Regnum „ Dei esca, & potus, sed justitia, gaudium, „ & pax in Spiritu Sancto „. *Ep. ad Rom. cap. 4.* Quare Christus Jesus alloquens turbas, quum præ cæteris regnum Dei ut inquirerent hortatus esset, ac si & præ cæteris ei assequendo justitia conferret, huic, veluti cuidam Divinitatis Symbolo subdidit ut inhærerent (1). Reliquis ut affinis virtutibus, sic isti addictissimus Johannes, religioni in primis quid tribuendum esset intelligens, non Deum tantum, Virginem Matrem, atque Sanctos omnes summo est prosequutus honore; verum & ipsius Fidei incunabula ac Cathedram, ad illa semel, ad hanc quarto se conferens, quo gratias rerum

---

(1) *Querite primum Regnum omnia adjicientur vobis. Matt. Dei, & justitiam ejus, & hæc cap. 6.*

rerum omnium exolveret Domino, qui ipsum Ecclesiæ exceperat sinu; Ecclesiæ illius inquam, quam sanguine Dilecti Filii sui Jerosolimis fundatam, in Romani Imperii constituerat arce.

Eo animum gerens beneficio devinctum, duos ne pateretur Dominos, quorum unum contemneret, diligeret alterum, nil præter Deum in deliciis habuit; in vincula, in verbera, in mortem paratus, ut ab omnibus dignosceretur, amaretur, & coleretur. Hujusce voti quo compos fieret, precationibus, lacrymis, vigiliis, jejniis, atque colloquiis incredibile est quanto æterni Numinis gloriæ, atque Christifidelium pietati fuerit incremento.

Quid plura? in hostes lenitate, in amicos fide, in domesticos vigilantia, in subditos cura, in miseros largitate, ac doli expers in omnes dilectione sincera ea effloruit justitiæ laude, quæ intra se esse ostenderet Regnum Dei.

## C A P U T XIV.

### *De Fortitudine.*

**C**hristianam fortitudinem designans Augustinus, ait „ Fortitudo est amor omnia propter Deum facile „ sustinens „. *Lib. de moribus Ecclesiæ cap. 15.* Verum quum firmare animum nequeamus contra exteriores pugnas, nisi internis perfuncti in arenam descendamus: quo Cantii constantiam literis mandem, eam primum excurram calamo, qua acerrima contentione cum animi perturbationibus, & pravis concupiscentiis est collucta-



## 28 DE VITA ET REBUS GESTIS

tus. In agone igitur vir Dei contendens ab omnibus se abstinuit, ut emeritus palmam, incorruptibilem coronam acciperet. Explorata ad hoc pronæ suæ naturæ ad iracundiam indole, in campo, & freno eam, confringens, captivam per omnes vitæ semitas duxit. Ut caro adversus spiritum non concupisceret, non solum omni afflictationum genere illam in officio continuit, sed ab iis etiam delectationibus prohibuit, quas catholica disciplina non averfatur. De literis optime meritus, ne a scientia quæ inflat, inanis gloriæ ambitu Christiana humilitas profligaretur, nihil se scire profitebatur; sicque sui victor de iis etiam, qui eum foris expugnare adnitebantur, facile triumphavit; non immerito propterea Spiritus Sancti celebrandus verbis. „ Melior „ est vir patiens viro forti, & qui dominatur animo suo „ expugnatore Urbium „ . *Prov. cap. 16.*

Spectabilioris tamen illum constantiæ effulgentem laude ut innuam, hoc satis velim sit, quod acerbissimis impetitus conviciis, calumniis etiam boni nominis lædentibus famam exagitatus ab iis præsertim, quos in Academici Professoris munere collegas habuit, quin infringi, nec concuti quidem se passus est; quod non modo ab ulciscendis se compefcuit injuriis, sed in suos etiam infensissimos hostes ea charitate exarsit, ut quoquo poterat illos fuerit omni officiorum genere prosequutus, quod fortitudinis ut teneret fastigium, his monitis adigebatur. „ Conturbare cave: non est placare suave. Dif- „ famare cave: nam revocare grave.

CA-

## CAPUT XV.

*De Temperantia.*

**A**Ltricem cœterarum virtutum temperantiam dixerim, per quam corpore in servitutem adaptato, Spiritus ad Deum qui fecit illum properat; ei-que adhæret uti principio suo, ac summo expetibili bono. Id cœlestis gratiæ aspirante Numine edoctus Cantius verecundiæ, & honestatis apparatu largissimo, vitiis innoxius omnibus, ad eum emerfit virtutis cultum, quem non Christifidelem modo, sed & sacris addictum ministrum decet, Sacerdotis vita temperantiæ typus, esse debet, *Teodoret. in Levit.* Potus, ac cibi continentissimus, vilioribus ad necessitatem adhibitis, posteaquam Sacræ Theologiæ Doct̃or fuit renunciatus, carnes sibi penitus interdixerat, quam asperam vitæ rationem ad mortem usque inviolate retinuit.

Incesserat illum quadam nocte vehemens cupido carniū, dæmonis excitata facibus. Carnis frustum igni apponi jussit, illamque summo calore ferventem arripiens, ad os admovit, & humeros, quo nequissimi spiritus eluderet artes, & carne exusta caro, ab ea appetenda in posterum prohiberetur hac increpatione amarissima. „ Caro carnem expetivisti : come- „ de ergo illam ad satietatem „ Effusus inde in preces quibus dignaretur Altissimus hujusmodi coercere tentationes, clamans clamore valido, exaudiri prom-  
ruit



30 DE VITA ET REBUS GESTIS

ruit Deipara ferente opem ; quæ gestans in ulnis puerum Jesum, quum se conspiciendam præbisset, eum reddidit certjorem ex tunc temporis non solum comedendæ carnis appetentia, sed omni etiam libidinis sensu futurum prorsus expertem : asservatæque Virginitatis in præmium, ac in futuræ gloriæ arrham, candidam illi ex rosis contextam coronam est impertita.

Intempesta nocte nudis pedibus nivem, glaciemque premens sacras adibat Ædes ; nuda semper decumbens humo, senio tantum confectus ursinam supponens pellem quo fatiscentem naturæ foveret calorem ; assiduus Cathedræ exercitationibus, aliisque pietatis laboribus delassatum corpus brevissimo levabat somno. Ab externo corporis abhorrens cultu qui splendorem redoleret, atque mollitiem, vilibus, & quæ sacerdotem decerent, vestibus utebatur.

Jesu Christi ortu, prædicatione, ac morte consecrata loca, Romamque Martyrum madentem Sanguine invisens, semper pedes incedebat, sarcinulæ onore, viarum asperitate, solis æstu, noctis, & aeris inclementia, famis, ac sitis tempestatibus adeo attritus, ut merito per hæc itinera, non secus ac per purgatorii ignem expiari animam suam prædicaverit.

Nemo certo unus erit qui Johannis demiratus labores, jejunia, flagellationes, asperitates, non fateatur eum per hæc temperantiæ dono sic excelluisse, ut nulla ferme carnis molestia, nulla rebellantis naturæ contumacia in adversum unquam fuerit inclinatus.

CA-

## CAPUT XVI.

*De mira simplicitate, ac humilitate.*

**V**alentinum redarguens, simplicitate objecta animi illi versutiam improperebat Tertullianus., Ab-  
 „ fcondat se serpens quantum potest, totamque pru-  
 „ dentiam in ambagibus torqueat; alte habitet, in  
 „ coeca detrudatur: nostræ Columbæ domus simplex,  
 „ etiam in editis semper, & apertis, & ad lucem.,  
*Lib. cont. Valent. cap. 3.* Quid ni Columba Cantius?  
 Quem „ cor machinationibus tegere, sensum verbis  
 „ velare, quæ falsa sunt vera ostendere; quæ vera  
 „ sunt fallacia demonstrare.,. *S. Greg. lib. 10. Moral. cap. 27.* nulla malignantis naturæ superbia edocuit:  
 sed per quamdam morum temperantiam, mentisque  
 sobrietatem Dei sapientia erudivit, nil per ostentatio-  
 „ nem fingere, sensum verbis aperire, vera, uti sunt  
 „ diligere, falsa devitare, bona gratis exhibere, mala  
 „ libentius tolerare, quam facere, nullam injuriæ ul-  
 „ tionem quærere, pro contumelia lucrum putare.,  
*Ibid.* Plurima virtutis hujus monumenta superioribus  
 conspersa capitibus huc ne revocem; unum proferam  
 illud, quo non in Columbam modo, verum & in pue-  
 rum se conversum præstitit, ut simplicitate ætatis il-  
 „ lius innoxia, perfecta virtutis effigie, & quodam  
 „ innocentium morum speculo reluceret.,. *S. Ambr. de obitu Satyri fratris sui.*

Pro-



Properanti Romam ex insidiis latrones occurrunt, dirisque verberibus affecto, ac rebus omnibus, etiam ad alendam vitam necessariis expoliato; atrociora minitantur supplicia, nisi quod auri esset reliquum proderet. In tanta animi perturbatione insuti in vestes memoria viro Dei Hungarici exciderant nummi. Negat hinc iste, illi abeunt. Subit tunc mentem asservata pecunia; seque mentitum dolens, effugientium grassatorum vestigia premit. Regredi sibi velint parcere rogat, inque genua provolutus in Cœlum, & coram hominibus se peccasse clamans, explicatum vestibus aurum abjicit. Digna spectaculo res! Tam mirabilis simplicitatis novitate perculsi Latrones, ad ipsius procidunt pedes, ablata reddunt, illataque vis, ac injuriæ reportata venia suas repetunt latebras.

Qua simplicitate autem, qua humilitate puer Johannes; ut literis hujus virtutis perstringam laudes, pervadere libet quam demisse de se sentiret; quam alte ingenii sui, suæque doctrinæ elegantiam occulere niteretur. Ejus studio e limo efformati corporis originem recolens animo, dignum se profitebatur, qui contemptui ab omnibus haberetur, omniumque attereretur pedibus ipsum admonente David., „ Ego autem „ sum vermis, & non homo; opprobrium hominum, „ & abjectio plebis „ . *Pf. 24.* Pacato animo contumelias excipiens, si quempiam per se læsum arbitrabatur, antequam peracturus Missæ Sacrificium ad sacram se sisteret Aram, illud adibat, irrogatæ injuriæ depre-

deprecans veniam ; frequensque hoc humilitatis officium illi fuit in suos Academiae Callegas , quum consultando , vel differendo inter illos adhibitus , suam dixisset sententiam ea libertate , quæ ingenuum , atque catholicum deceret virum . Cæterarum virtutum comparato thesauro opus erat Cantio ut de illarum cogitaret custodia (1) . Quæ providentior , quæque vigilantior humilitate ? Hac apposita nullus subeundi superbiæ locus , in tuto omnia , omnia in perfectionis plenitudine , omnia in consummatione virtutis ,

## CAPUT XVII.

*De Donis supernaturalibus .*

QUO uberior Johanni cœlestis collata est gratia , eo locupletiori supernaturalium donorum auctus ipse est copia : quæ Dei consequuntur amicos , ut innotescat mundo , quanta divinæ largitatis mercede sanctitas perfundatur . Inter hæc autem dona , sive gratis exhibitæ gratias , potiori censentur nomine pro-

E . . . . . phetiæ

(1) Attende cur ad humilitatem invitantur carnis hostes , & mundi , attende quo egebant ad perfectionis plenitudinem jam sequuti Christum , relictis omnibus propter Christum . Magnus thesaurus magna eget custodia . Erat Apostolis pretiosus , & inestimabilis thesaurus ipsa Redemptoris gratia , & divinum ejus collo-

quium . Erat eis thesaurus sacrae Mensæ communicatio , & spiritalis alimenti veritas . Erat eis thesaurus in amorem cœlestium quotidie ejus miraculis proficere , & exemplis : Hujus Theauri custodem oportuit esse humilitatem , & ejus excubiis accessum superbiæ amoveri . Hildebert. Ceno-  
manan. Episc. Epist. 71.



phetiæ spiritus , ac pervadentium naturæ vires signorum operatrix virtus . Istius paulisper protrahenda narratio : illi ut continuo hæream eā omiſſa parte , quæ eſt de ſupremo omnium Conditore , de quæ pietate , & virtutibus dexterius , atque divinius differendi facultas , non ſtudio parta , ſed a divino aspirata Numine , quæque Paulo attributa fuit in prædicatione Evangelii non ab homine accepti , ſed per revelationem Jeſu Chriſti : ad futurorum prænunciationem percurrat calamus , Cantiumque referat ſpiritu magno attingentem remota tempore , & loco ; ac ſecreta perſcrutantem cordium , quemadmodum Scriptores , atque a ſacra Rituum Congregatione adprobati teſtes prodidere memoriæ .

Juvat primum illud commemorare , quod ad cujuſdam occurrentis aſpectum , illum facinorum involutum ſordibus intellexit ; quodque ex odoratu percepit qui vel Servatoris divini obſequerentur præceptis , vel iniquæ Doemonis dominationi ſubjicerentur .

Excitatum in platea S. Annæ flagrantiffimum ignem ; qui proximis abuſumptis Ædibus , in ſubjectas quoque protenderat flammas , ut compesceret orans , latius non proceſſurum prænunciavit . Caveret tamen Cracoviæ populus , ne ad iracundiam iteratis ſcleribus divinam provocaret juſtitiam ; tunc enim atrociori perimendam incendio Urbem a Divo Epifcopo Stanislao didicerat . Juxta viri Dei ſermonem ignis remiſit vis : verum a culpis non ceſſantibus Civibus , maxima Cracoviæ pars novis eſt deleta , flammis .

Præ-

Præmonstratum sibi divinitus mortis diem, iis, quibus familiariter utebatur, præsignavit: pleraquæ intuitus est in longum eventura ævum, dilecto servo suo ad os ore loquente Domino (1).

## CAPUT XVIII.

*De Johannis obitu.*

**T**Errestris hujus militiæ naviter perfunctum Cantium laboribus, æquum erat emerita donari corona. Imminente itaque dissolutionis præsignata die, quo domui suæ providentissime disponderet, quidquid reliquum erat ad alendam vitam, ad domesticam suppellectilem, & corporis cultum necessarium. „ dispersit, dedit pauperibus. „ *Psal.* 111. Animæ exinde ut sanctissime confuleret, Poenitentiae expiatam, Eucharistiæ communitam, Unctionis extremæ roboratam Sacramentis, Creatori lacrymis, ac precationibus illam commendans, mortis opperiebatur agonem. Ea gradum quum retardaret, vinculis carnis detineri spiritum conquerebatur, Prophetæ Regis ingemiscens vocibus. „ Heu mihi Domine, „ quia incolatus meus prolongatus est. „ Tandem adventare præsentiens, Academiae Collegas ad mutuam dilectionem, pietatem, religionem, atque intemeratam Catholicæ fidei adhortatus doctrinam, Deiparæque deprecatus auxilium, in pervigilio nativitatis sui Divini Filii, a

E 2 *repa-*

(1) *Servus meus Moyses, qui est, ore enim ad os loquor ei. in omni domo mea fidelissimus Num. cap. 12.*



reparato humano genere anno MCCCCLXXXIII. septuagenario (1) major mortuus est in osculo Domini.

## C A P U T XIX.

*Johannis funus, sepultura, ac corporis translatio.*

UT primum occubuisse Cantium ad Cracoviæ populum delatum est, mœror undique, fletus undique, & ejulatus. Ereptum sibi vindicem Religio, Doctrina Sidus, decus, & ornamentum Academia, parentem pauperes, miseri consolatorem ingemuere. Curando corpori certatim admovent manum Collegii majoris Professores, ac studiorum Alumni, feretro imponunt deducen-

(1) Beatus Cantius agens ætatis annum LXXVI. supremum obiit diem. Quo autem recto me usum temporis syntagmate liqueat, consulat Lector Cracoviensis Academia monumenta, ac Anonymum Auctorem, qui MDCXCVIII. ejus conscripsit vitam. Prodiderit illa studentium albo ejus Universitatis MCCCXCIII. dedisse nomen, & MCCCXCV. primam in Philosophiæ facultate fuisse assequutum lauream. Ille vero asserit XVI. ætatis suæ anno absolutis humaniorum literarum studiis in patrio Kentensis Pareciæ gymnasio Cracoviam contendisse, & XX. magistrum in Philosophia

renunciatum. A MCCCCLXXXVII. igitur, quo ortum narraui, ad MCCCXCIII. quo ad Academiam se contulit, quum XVI. numentur anni, & LX. ab anno MCCCXCIII. usque ad MCCCCLXXXIII. quo decessit, erroris non videtur inurendus nota. Improbandum tamen est Petrus Skarga, qui natus censet MCCCXCII.; ne dicatur quod vix e Matris avulsus uberibus fuerit laurea decoratus. Neque Adamo adhæreo Opotowio, affirmanti in lucem fuisse editum MCCCCLXXX. tunc enim non septuagenario, sed octuogenario major occubisset.

ducente ex omni ordine , atque ætate Civum conferto agmine ad S. Annæ sacram Ædem ; persolutisque iustis , sepulcro humili , sed maximis prodigiis illustrando recondunt . Ad illud , quemadmodum Bernardus de Nyssa Canonicus Uratislaviensis , & Decanus S. Floriani Clepardiæ mandavit literis , quo posteris viri Dei præclara ingenii , ac sanctitatis facinora portenderentur ; Nicolaus Tanchen de Nyssa Juris Canonici Doctor , atque ordinarius Professor , hæc jussit lapide insculpi carmina :

*Inter Gymnasii clarissima Cracoviensis  
Lumina , grandævus senio , virtibus almus ,  
Septenas artes , & dogmata sacra professus ,  
De Kanty Doctor jacet hic Slesita Johannes ,  
Qui puer &c.*

Verum ejus nominis , atque signorum in diem latius Poloniam non modo , sed & finitimas , dissitasque Regionem pervagata fama ; ut ex illis confluentium gentium venerationi , sacri tumuli cultus par haberetur ; Clepardiensis Jacobus Sacræ Theologiæ Doctor , ac Cracoviæ Canonicus pretiosi pignoris translationi incumbens , a die suæ depositionis anno LXVI. e veteri elatum incorruptum & integrum , in flamnea inclusit arca ; constructoque elegantis operis monumento ex Mettertico lapide , in editiori templi parte locavit . Demum MDCIII. recludi arcam quum contigisset , suavissimus e conspecto corpore



### 38 DE VITA ET REBUS GESTIS

re erupit odor . (1) Aderat Bernardus Maciejovius Cracoviæ Antistes , Romana purpura , Gnesnensique Infula postmodum decoratus , diuturni morbi confictatione languescens : Concepto ille voto ad Beati sepulcrum orans , ac se ei commendans , pristinae vatetudini est restitutus . Ut autem impertitæ gratiæ perpetuum monumentum extaret , ad Johannis Aram sacris operatus , præter plurima splendidissima dona , Calicem protulit characteribus , qui sui curationem edicerent , obsignatum . Sarcophago autem hæc est apposita inscriptio :

DEPOSITUM  
JOHANNIS CANTII  
THEOLOGICÆ DOCTORIS.  
QUEM IN BEATORUM NUMERUM RELATUM,  
ET VITA SANCTISSIME ACTA,  
ET POST MORTEM EDITA MIRACULA TESTANTUR.  
SATIS COLUERIS, SI FUERIS IMITATUS.

\* \*  
\*

CA.

---

(1) Ipso autem tempore Jubilei , dum renovando sepulcro Beati Cantii in Ecclesia S. Anna Cracoviæ fundamenta cæpta sunt moveri vigesima tertia Maji , feria secunda , inventa sunt ossa viri Beati cum Urna flammea affixa uncis ferreis : Templum hoc fragantissimo odore , quem & ego , & alli plurimi cum non exigua consolatione egregie habuimus , impletum est . „ Johan. Janusovius in op. edito MDCIII.

## CAPUT XX.

*Qua virtutum fama, atque existimatione  
dum viveret, atque post mortem  
fuerit clarus.*

**Q**Uum Cantius in humanis ageret, suo Cracovia fovebat sinu Sventoslaum Presbyterum sæcularem, Simonem de Lipnica Fratrum Minorum de observantia S. Francisci, Stanislaum Casimiritanum Canoniorum Lateranensium professum regulam, Isaiam ex Eremitarum S. Augustini familia, & Michaellem Gedroicium e Ducibus Lithuanix ortum, Canonicum Regularem S. Mariæ de Metro, spectatæ sanctitatis viros, ac dignos qui Beatorum nomine censerentur. Plurimi hos faciens Johannes, perfunctus Cathedræ laboribus, atque Christianæ pietatis exercitationibus adibat, quo institutæ vitæ rationem, virtutes, ac exempla imitaretur; conscientiæ suæ consultores, moderatoresque adhiberet, & colloquiis de divinis rebus perfrueretur. Alter ergo alterum mutua prosequutus dilectione, præcipue tamen Supremi Numinis, ac proximi charitate, quæ in ipsorum infederat cordibus, ad catholicam tuendam fidem, & animarum promovendam salutem provocabantur. Tanto muneri subeundo, uti ingenio, & fortitudine præstantior ceteris Cantius, illos suasores habuit, quo verbi Dei prædicatione, & sanæ doctrinæ firmitate probata, afflictis christianæ Religionis rebus  
opem



opem ferret, & circumfidentem Poloniae solum haereticam pestilentiam arceret (1). Hac ignis veluti ad ignem accessione, incredibile est quam naviter, quamque strenue a zizaniis purgando Dominico agro laboraverit.

Spectantium proinde admirationi par amor, existimatio par, par cultus; nec nostrorum tantum celebratus praconis, sed & illorum, ad quos aut suae eximiae eruditionis, & sanctitatis nomen delatum esset, aut ipse institutis peregrinationibus pertigisset; habitus iustitiae forma, pietatis exemplar, veritatis assertor, fidei propugnator, doctor praeclarissimus, haereticorum malleus, oculus caeco, pes claudus, ac verbi Dei dispensator fidelis. Nec ipsius recedentis a saeculo memoria periiit cum sonitu; quo enim pacto ex omnium conspectu, & ex omnium sermone eripi pateretur virtus, beneficentia, doctrina, pietas, quibus de omnibus praeclarissime meritis, desiderio sui omnium devinxerat corda? Verum quum ea, quae hac in re mihi adstipulantur, continuo narrandis conferant; praesenti capiti finem faciam Spiritus Sancti elogio. „ Non recedet memoria ejus, & nomen ejus „ requiretur a generatione in generationem. „ *Eccl. c. 39.*

CA-

---

(1) Hinc factum est, ut quotquot essent tum vitae instituto, tum morum consonantia ipsi persimiles, minime sese a calore amicitiae ejus abscondere valerent, quin subito dexteris illi concederent, sanctaeque laborum, ac consiliorum communicatione ipsum ad opus Evangelii purgandum fortiter instigarent. Martinus Baronius Jaros aviersis in vita B. Stanislai Casimiriani anno MDCIX. loquens de Beato Johanne Cantio.

## CAPUT XXI.

*De cultu ab immemorabili Johanni præstito.*

**Q**Uum corpus spiritui ad suorum hostium victoriam, uti militi arma, non tantum inserviat; verum etiam comes laborum sit: isto in Coelos properante ad victoriam, sua & illud mercede non fraudatur in terris. Ossa porro justorum sepulta in pace, venerationem, cernimus promereri fidelium; gratiis, quibus ii ad eorum Lipsana se prosternentes dignantur, ostendente Domino quanta sanctitati impendatur gloria. Excepit Johannis corpus sepulcrum, excepit & gloria eo cultus splendore, quem munera aurea, ac argentea, votivæque testantur tabulæ. Harum, quæ vetustiores, primam ab ejus obitu secundo anno, alteram quartodecimo fuisse appositas constat, quin alias maximi recenseam numeri, & illius Aræ pro defunctis vel ab anno MDLXXX. per Gregorium hujus nominis XIII. summum Pontificem privilegiatæ ad latera suspensas, & in Archivio Collegiatæ S. Annæ asservatas (1).

F

Quid

(1) Ex argenti opere præter eximie magnitudinis pedem & Calicem deauratum in supradicto Archivio Ecclesiæ Collegiatæ S. Annæ plurimæ spectantur votivæ tabulæ. Inter eas duodecim e suis torquibus ejusdem me-

talli propendentes, æ una, & altera a Kentensibus Civibus oblatae numerantur præstantiores. Harum utraque ob propulsatam e patriis laribus p. sis luem est apposita, prioris ea est inscriptio.

Acci-



42 DE VITA ET REBUS GESTIS

Quid autem de Iconibus virum Dei exprimentibus scribam? Antiquissimæ illæ, atque permultæ ejus vel sanctitatem, vel doctrinam, vel prodigia, vel populi configurantes devotionem. Extant & ad ipsum precariæ notæ ad Litanias efformatæ; extat & officium Polonico idiomate elaboratum, typisque editum; extant & in pergameni centum quinquaginta duo conficta carmina, ejus vitam, & gesta complectentia, quorum nonnulla proferam, utpote vetustioris memoriæ præstantissimum monumentum.

*Carminē ne sileas mecum mea tibia laudes  
Gentis Hyperboreæ &c.*

*Lux, decus, atque Pater Patriæ, tutela salutis  
Nobis Cantinus notus probitate Johannes.*

*Hacque sua specula &c.*

Demum, recensito obitu, ad pergameni calcem, annus, ac dies illius sic prænotatur., Millesimo qu., dringentesimo septuagesimo tertio die vigesima quarta., Decembris., Ad

---

*Accipe votivam pulsa pro peste tabellam,  
Indigenæ quam dant, dive Patrone tibi.*

Clerus, Populusque Kentensis Johanni Cantio in signum gratitudinis, quod in savienti plaga pestis, per votum unanimiter factum ad B. Patrem, & Protectorem suum mirabiliter preservata, & consolata est. Anno MDCXXXIII.

Clerus, Populusque Kentensis Johanni Cantio suo D. Anno Domini MDCXXVI. -- Hæc vero alterius: Tabella ad eternam memoriam a Civitate Kentensi dicata Domino Deo in Trinitate uni, Sanctissimæ Matri Dei, & B. Jo-

Ad hæc potiora argumenta Johanni exhibiti cultus , bina , quamvis recentioris memoriæ Vexilla accedant , ad Viennam Austriæ e Turcarum erepta manibus , & ipsius affixa sepulcro a strenuissimo Poloniæ Rege Johanne III. , quo ad illud , exoratae Victoriæ anteaquam congressurus cum hoste regno migraret , gratiam tutelari Divo referret acceptam .

## CAPUT XXII.

*De miraculis a Johanne patratis .*

**Q**uanti Deus Sanctorum suorum faciat merita, haud dubium quin ab ipsis edita testentur signa . Quumque eis non desit potentia , nec voluntas deesse potest ; de sua enim felicitate securi , de nostra solliciti ad suos cineres, ad suas Aras, atque imagines orantibus propitiaturi ante thronum divinæ Majestatis assistunt . Hanc virtutum gratiam & Cantio fuisse collatam nemo est , qui non videat ; nam quæ adhuc in vivis agentem clarum effecere miracula , inter coelites commorantem, splendidiora , & amplitudine , & copia sunt prosecuta . Nihil porro in humanis est votis , quod deprecantes ipsius intercessione non fuerint assequuti : nullum morborum genus , quod ab ipso non fuerit profligatum . At singula hoc loco complecti quum valde operoso labore scateat ; cæcis siquidem , claudis , surdis , atque amentibus omissis , quibus pristinam valetudinem est impertitus ; sex supra viginti mortuos ad vitam revocasse



#### 44 DE VITA ET REBUS GESTIS

nonnulli prodidere Scriptores; ea solum narrare pergam, quæ in *Sac. Rit.* Congregatione proposita coram Sanctissimo, atque supremo Christianæ Reipublicæ Pastore, CLEMENTE XIII. feliciter imperante, adprobata fuerunt. Ut suo digesta sunt ordine, horum.

#### P R I M U M.

Acri tussi, ad cruorem putrescenti sputo, ac ingrate admodum redolenti respiratione, in atram tertio ætatis anno erupit phthisim hæreditaria tabes, quam Sebastianus Luzark e patris conceperat semine. Late se protendente morbo, hydropis indolem cum alvi induit intumescencia, in grandem maciem declinante superiori corporis parte. Nil non tentatum a Medicis ad morbi coercendam colluviem, illius tamen contumacia artis pharmacis quin frangeretur, ad nonum ætatis annum progredientem puerum morti jam maturaverat. Atrocioribus eo temporis coeperat symptomatis cruciari. Vehementior insurgebat ferme nunquam remissa tussis, pus ore scatebat tabidum, gravior anhelitus accedebat compressio, ac assidui, colliquantesque effluebant madores, per quæ illum in deploratum esse vitæ discrimen adductum, Medici pronunciavere.

Acerbissimo hoc perculsa nuncio Sebastiani Genitrix, ut extremum periculum faceret, Religiosum e Societate Jesu in Collegio S. Petri Cracoviæ moram tra-

hen-

hentem , ac satis medica callentem adit ; deprecatur-  
que morienti velit succurrere Filio . Pergit ille e ve-  
stigio invisere puerum , ac summe attriti corporis ha-  
bitum ; crebrasque convulsiones scrutatus , nullam ab  
humana scientia esse repetendam opem , Matrem admo-  
net ; ultra tres siquidem dies protrahi haud quaquam  
posse ejus deprehenderat vitam .

Qui miseræ dolendi modus ? Ad lacrymas usque ,  
ad suspiria , ad singultus usque mœrori indulgens ,  
potissimam sibi eripi cordis partem lamentabatur . A-  
gar Abraham ancillæ instar , morientem Filium ne  
intueretur , sedens contra levavit vocem ad Coelum ,  
nec frustra ; nam ejus consilio adventasse credide-  
rim Alexandrum Janicki , qui illam dilecti pignoris  
a medicis desperatam sanationem , ut a Cantio expo-  
sceret hortaretur . Forte e cubiculi parietibus Beati pen-  
debat imago ; ante illam genibus procumbit mœstissi-  
ma Mater , enixe rogans ut ferat opem , quando nulli  
forent sibi humana præsidio . Cereas faces ad ejus se-  
pulcrum oblaturam se spondet , curaturam Sacerdotem ,  
qui ad ejus Aram Sacris operam daret . Vovit , imple-  
vit : statimque symptomata elanguere morbi , detu-  
muit alvus , puer convaluit , ac in posteram diem e  
lecto exiliens , sospes est redditus Matri suæ .

## S E C U N D U M .

Decem & octo annorum puellam Hedvigem Pasko-  
vnam acuta, dirisque stipata symptomatis febris, adeo pro-  
fliga-



fligaverat viribus , ut morti jam proxima videretur ; in id conspirantibus frequentissimo delirio , assiduis vigiliis , respiratione præpedita , oris ingenti phlogosi , & potui , ciboque interdicto gutture . Per unam , atque alteram hebdomadam immani impetu grassata morbi lues , crinibus omnibus revulsis e capite , supremam induerat maciem ; quum ex Monialibus , quas dicunt de *Charitate* Soror , juxta regionis morem accersitur ad curandam Hedvigem . At nullum medicamini illa conspicata relinquere locum , quamcito migraturam denunciat . Valere exinde jussis adstantibus recessit . Amantissima nihilominus mulier maternæ sollicitudinis nihil omittens , divino collustrata lumine , supernaque acta fiducia , quæ neminem fallit ; ad Cantii sepulcrum properat ; effusa in lacrymas orat ; ad Missæ Sacrificium eleemosynam tradit , quo periclitanti Filiæ præsto foret ille , cujus merita plurimum apud vitæ auctorem valere , innumeræ testabantur in sui deprecatores collatæ gratiæ . Proh mirum ! Ut peragi coeptum est sacrum , non secus ac injecta aqua ignis furor opprimitur , febris ardor statim extinctus est . E placida somni quiete evigilasse credidisses puellam ; tanta porro e lecto corporis , atque animi alacritate surrexit , ut nullo unquam videretur agræ valetudinis fuisse incommodo affecta . Cibus sibi parare jubet , mensæ assidet , diu impasta membra , & ad internecionem morbi pernicioe prostratâs corporis reficit vires ; ac revertenti occurrens Matri , in illius ruit amplexus .

## T E R T I U M .

Salova pagus Cracoviensis Palatinatus est . Ejus loci Cauponæ adjacebat puteus , in quem equina dejiciebantur stercore , sordesque viæ omnes defluebant , aquarum actæ colluvie . Vaporibus inde solis æstu reductis , aer quum grave , & ad perniciem oleret , indigenæ ad Prætorem querelas deferunt ; eoque puteum expurgari imperante , ex viris , & mulieribus , qui ad opus conficiendum fuerè conducti , Marianna Gaylizka, ac alter Sebastianus nomine , ex foetore fordium iniqua concepta valetudine , decubuerunt . Hic per tertiam , quartamque hebdomadam colluctatus cum febris , tandem imminutas , quamvis ægre reficit vires . At Mariannam durius corripuit fatum , capitis vehementium cruciatuum accessione , ac hemorrhagiæ , quæ triduum uberrime manavit per intervalla recurrens . Hanc pravus consequutus est rigor , virium languor fortissimus , summa oris , ac linguæ ariditas , ardor corporis , ac sitis in immensum evadens , contumaces vigiliæ , ac flammatus faciei rubor , quin ad morbi impetum refrenandum conducendi medici fieret copia .

Adeo acerbam dolens vicem anxius conjux , nobilem Salovæ Matronam adit , illam rogans , ut quoquo pharmaco poterat , immani uxoris medereretur morbo : illaque unam , atque alteram medicati vini heminam exhibente revertitur , propinat . In deterius tamen inclinata

res



res est; nam atrociora succedere symptomata ex vaniloquiis, atque deliriis, quæ certum vitæ portendebant discrimen. Advocatur hinc Parochus, quo pereunti divina pararentur præsidia; nec distulit Pastor, exceptaque Sacramentali confessione, sacram protinus ministravit Eucharistiam, ad eam deglutiendam per fauces ob siccitatem immissa aqua.

Octava hebdomada jam evoluta, interceperat nona loquendi facultatem, gravioraque per mentis oppressiorem, cæterorumque sensuum profligationem incommoda induxerat, inhibitis excretionibus, rigentibus artubus, ac horrifico intuitu decumbentem tam foede labefactantia, ut ab omnium oculis eliceret lacrymas. Quum autem id unum adhuc viventis indicium esset, guttatim videlicet delibata cervisia; præsentissimæ mortis admoniti adstantes, properandum esse ad Parochum clamaverunt, ut ille Mariannæ corpus sacro inungeret oleo, atque ex eo abeuntem animam consuetis Ecclesiæ precationibus Creatori suo commendaret. Accessit, riteque persolvit omnia Parochus, ac candela de more incensa viri casum talibus miseratus ., Miserum te! Confortem vitæ perdes,, discessit.

Ut a majoribus institutum acceperant, e lecto amotam humo obducta stramine Mariannam imponunt, ejus adhibita dextera ad Crucifixi imaginem, sinistram ad sustentandam candelam: verum neutra id præstare valente, munus subit conjux & ipse ferme exanimis. In eo extremæ pietatis in uxorem officio, adjecit hic animum

at

ad B.Cantium, cujus signorum virtus nostris, atque imago a multis annis ejus pagi accolis celebris jam habebatur. Illius ergo opem imploraturus præpropere gradu fertur ad Parochum, ut accepto stipendio ad viri Dei Aram faceret sacrum; at ex degustato cibo in crastinum dilata quum divina res esset, ad altare provolutus in genua, orat; fidenſque tanto Patrono paternas repetit aedes; reliquam diei partem, totamque inſequentem noctem viri occupante ſollicitudine, ac uxoris colluſtatione cum morte.

Summo mane evigilans Parochus, propitiationis hoſtiam inſtituit, cujus ſigno ex ære campano accepto Mariannæ vir, accurrit ad Templum, inſtaurat preces, ac ſuſpiria cum ſletu commiſcens, ad Cantii imaginem triſtia convertit lumina. Quorſum hæc? Nondum erat abſolutum ſacrificium, quum moribunda fœmina integris viribus repente ſurrexit, inſidenſque in ſtramine, propinari ſibi poculum poſtulavit. Sed & parata ad ejus nutum celerrime juſcula quum comediſſet, nec capitis dolore, nec deglutiendi difficultate, nec alio quoquam affecta incommodo, poſt meridiem valens corpore, & animo per conclave deambulavit ad otium; & altera illuſcente die domeſticis, ut antea aſſueverat, muniis ſtrenuam navavit operam.

#### Q U A R T U M.

Coriarius mercator Antonius Olexowicz ex itinere fatigatus, umbram captans confederat; qua ad ſo-



omni delectatus quietem , evigilans in utraque sui colli  
 parte infimæ auriculæ continua animadvertit apostema-  
 ta intumuisse ; quæ anseris ovum magnitudine exæ-  
 quavere . Hinc dolor adeo vehemens , ac virium tan-  
 ta accessit infirmitas , ut recurvatis pedibus viæ reli-  
 quum , nisi curru vectus conficere nequiverit . Sui ne-  
 cessarii consilio , emplastro usus ex cera , illa ad sup-  
 purationem celerrimè maturavit ; sed pure quamvis  
 large manaret lenitus , sed non extinctus est crucia-  
 tus ; novis in diem tuberculis ad jugulum erumpenti-  
 bus , quin ad cicatricem coalescerent ; non secus prio-  
 ra dolentissimis , atque intolerabili tabo scatentibus .  
 Nec eam colli partem , universumque jugulum ; verum  
 & cervicem teterrima occupaverat lues ex tribus , &  
 viginti foraminibus fluens ; inter cætera tamen foedis-  
 simum mento infixum hærebat ulcus , quo penetratus  
 œsophagus immissum cibum , potumve rejiciebat : qua-  
 propter illis retinendis opus erat ut linteis collum per-  
 fringeretur .

Triennium fere in eo deplorabili statu non ex-  
 teris tantum , sed suis etiam fastidio , hominum & ipse  
 averfatus consortium , rusticæ se vitæ commisit : nul-  
 lo parato medicamine præter symphiti folia , ne linum  
 circumpositum collo quum explicaretur , coalescens pus  
 revellendo , major exulceratæ partis fieret dolor . Non-  
 nullis hortatoribus tamen quarundam herbarum aquam ,  
 qua ulcera abluerentur , a fene sibi instrui passus est ;  
 nec illam iterato admisit , nullum siquidem levamen  
 expe-

## S. JOHANNIS CANTII. 51

experiebatur . Forte nobilis Eques Johannes Suykoski iter faciens in Antonium offendit , ad cujus aspectum in horrorem , miserationemque actus , eum in itineris exceptum comitem , Tarnoviamque perductum , Chirurgo commendat ; quo pacta mercede curationem atrocissimorum ulcerum aggrediatur . At largiori pecuniæ inhians iste , sanationis operi imparem esse propositam affirmans ; se facturum periculum negat , nisi summo ære dinumerato : exoratusque ut saltem emplastrum , aliquod admoveret ulceribus ; inaudita animi efferitate , & hoc leve renuit Christianæ pietatis officium . Tum demum Antonius maximis nobili viro repensis gratiis : Vale , inquit ; & quoniam , iniquæ mercedis spe , tuo sum fraudatus auxilio , præstantiorem conquisturus Chirurgum recedo . Beatum adibo Johannem Cantium , ipse ad pristinam sanitatem me revocabit . Nova itaque adventante aurora , Presbyterum convenit , attributaque parte pecuniæ , quam pro reditu a Johanne Suykoski acceperat dono , ut Beati Cantii ad Aram sacris operaretur ; Sacrificanti eâ adstitit animi firmitate , ut , quamvis fractus viribus ægre genibus consisteret flexus , incolumis jam videretur . Votis par fuit rei exitus : ut enim ad consecrationem ventum est , statim recessisse sensit dolores , esse exsiccata ulcera , nullo se cervicis vitio , nulla membrorum imbecillitate teneri ; atque in posteram tantum diem cicatricibus consistentibus , in tertiam collum , jugulumque obducta carne apparuere , absque ullo foeditatis vestigio .



## QUINTUM.

Inventa rheda mercibus onerata , ex nundinis Oppidi Kety , in quo natus est Johannes , Zyveciam repetens Tereſia Chylinska ad *Sola* amnem intenderat iter ; ſed colliquentibus nivibus ille quum exundaret , prohibita pervadere vehiculo in adverſam oram ; proximi montis invia conſcendit , comparatis equis ad ſarcinas aſportandas . Ne callis aſperitate detrimenti quid caperetur , conſequentē mercatrice foemina præbant muliones : nihilominus ex equis ceſpitante uno , excuſſæ ab ephippiis ciſtæ illabentes ſe demiſerunt in aquas . Emerſere ſtatim e profundo alveo adnatantes , præcipitique fluminis abreptæ impetu , non mercium tantum ; verum & ingeſtæ ciſtis pecuniæ Domina inani gemitu adplorante jacturam . Fletum occupat ſtupor ; verum ſolicitudine hunc evincente , equorum , ductores , paſtoresque in vicinia agentes pecora , advocat , plurimam mercedem pollicita , quo ad recuperandas merces ſe committerent aquis . Abnuentibus illis , certo enim vitæ periculo deterrebantur , ſubit desperatio Thereſiam , ac bacchantis inſtar longa per fluvii ripas emenſa ſpatia , in illum ſe dediffet præcipitem , ni meliori afflata conſilio ad B. Johannis Cantii reſpexiffet auxilium . Protinus advolvitur humi , gemitibus operoſis divi efflagitat dexteram . Nec eſt neglecta præcatio ; vix enim ea concepta , advenit Thereſiæ

fiæ famula, itinerisque comes nuntians adversa amnis recurrere cistas. Hæsitavit tamen, ingenti forsitan æsequuti voti fidem adimente lætitia; sed ad iteratum, nuncium Dominici Sellarii, cujus cespitaverat equus, omnis est ratio ambigendi sublata: spectatum siquidem confurgens contra aquarum impetum, nitentes merces appulisse jam videt ad fluminis oram, quæ illas decidentes exceperat. Eductas inde Sellarii manu recipit, ac tanti in se collati beneficii ad Johannis aram domum redux persolvit gratias.

Cæterum quæ de Cantii vita, rebusque ab eo gestis narravi, extremis veluti calami labiis sunt delibata. Attamen haud mihi succenseat Lector, temporis namque nec adfuit copia, nec uberiōra fuere exhibita monumenta: Illud adeo angustum, ut vix scribendo suffecerit; hæc tam exigua, ut singulis capitibus æquam dolendum fuerit ætatis injuria fuisse ademptam meteriam. Scribendi mihi demandatam provinciam, iv. Kal. April. hujusce anni MDCCLXXVII. ab humani generis inchoata reparatione aggressus sum, quo divini nominis gloria, quæ in tanto nostri Regni Patrono mirandum in modum claruit, longius, atque latius propagaretur; & ipsius summi viri memoria, quæ nobis grata semper fuit, atque jucunda, ab hominum oblivione vindicata, ad exteros etiam nunquam interitura pertingeret. Animis præterea mortaliū, quibus hæc libuisset legendo percurrere, egregie mihi videbatur prospectum iri, præclaro ipsius vir-  
tutum



54 DE VITA ET REBUS GESTIS

tutum exemplo . „ Sicut enim ex igne suapte natura  
 „ emicat splendor , ex unguentoque præstanti suavis  
 „ diffunditur odor : sic e Sanctorum commemoratio-  
 „ ne gestorum ad omnes provenit emolumentum „ .  
*S. Basil. orat. ad Gord.* Tum demum unumquemque  
 rogatum velim , ut si quid animadversione dignum  
 vel offenderit , vel habuerit , id mihi pro suo Chri-  
 stianæ charitatis officio benigne indulgeat ; quum emen-  
 dandi operis non fuerit locus , & ab ingenii mei im-  
 becillitate nequeant expeti meliora .

S Y N O P S I S

*Scriptorum , quorum literis B. Johannis Cantii  
 Sanctitas est commendata .*

P R I M U S

*A Beati decessu .*

ANNO XX.

Hertmannus Schedelius , in opere de Mundi tempo-  
 ribus , edito Norimbergæ anno MCCCCLXXXIII. sub ti-  
 tulo de Cracovia Urbe Regia Sarmatiæ *fol. 28.* „ Beatus  
 „ Cantius celebris hujus Urbis Gymnasii Doctor multis  
 „ miraculis , & prodigiis fulget , quamvis nondum in  
 „ Catalogum Sanctorum relatus sit „ .

\* \* \*

\* \*

■

SE-

## S E C U N D U S

ANNO XXXXVIII.

Matthias de Miechovia Canonicus Cracoviensis , in  
 Historia Regni Poloniae impressa typis anno MDXXI. *lib. 4.  
 cap. 69. fol. 337.* „ Anno septuagesimo tertio supra mil-  
 „ lesimum quadringentesimum celeberrimus , atque egre-  
 „ gius vir Magister Johannes de Canty &c. in vigilia Na-  
 „ tivitatis Christi mortuus est , & in Ecclesia S. Annæ  
 „ sub Ambona sepultus ; qui eodem anno signis , & ope-  
 „ ribus coruscare cœpit , & usque in hanc diem varios  
 „ languores , diversosque morbos hominum , & jumen-  
 „ torum divina propitiatione ad vota , & invocationem  
 „ nominis sui relevat , ut adscriptione Decalogi Sancto-  
 „ rum dignissimus inveniatur „ :

## T E R T I U S

ANNO LXXI.

Johannes de Trzciana in vita B. Michaelis Gedroi-  
 cii conscripta anno MDXXXIV. „ Beatus Johannes Can-  
 „ tius , qui ad S. Annam post obitum miraculis claret „ .

## Q U A R T U S

ANNO CXIV.

Stanislaus Sarnicius in annalibus , sive de origine  
 Mundi , & rebus gestis Polonorum , & Lithuanorum ,  
 con-



56 DE VITA ET REBUS GESTIS

conscriptis anno MDLXXXVII. „ Ob vitæ frugalitatem ,  
 „ modestiam , eleemosynas inter Divos est relatus : San-  
 „ ctus Canty vulgo vocatur „ .

Q U I N T U S

ANNO CXXX.

Laudatus a me cap. XIX. Johannes Januszovius in  
 compendio Jubilei Cracoviæ celebrati anno MDCIII. post  
 recensitum odorem , qui effluxit ex ossibus B. , dum  
 ejus sepulcrum fuit reclusum , hæc subdit . „ Quo nun-  
 „ cio longe , lateque divulgato multa hominum agmina,  
 „ non secus ac examina apum currebant ad B. Viri tu-  
 „ mulum , ejus orationi , ac intercessioni sese commen-  
 „ dantes , variasque consolationes referentes „ .

S E X T U S

ANNO CXXXVI.

Martinus Baronius in lib. cui tit. Vita , gesta , &  
 miracula B. Stanislai Canonici Regularis edito MDCIX.  
 „ Tertius quoque B. Cantius Academia Cracoviensis Pro-  
 „ fessor, viginti sex mortuorum resuscitator magnificus „ .

S E P T I M U S

ANNO CXXXII.

Andreas Granoskius in vita B. Michaelis Gedroicii  
 conscripta MDCXV. „ vel B. Cantium &c. qui miraculis  
 „ cla-

„ claret „ & *infra* „ Multorum mortuorum orationi-  
 „ bus , & meritis suis fuscitatore glorioso „.

## O C T A V U S

ANNO CXXXXVIII.

Stanislaus Zakrzewius in concione de B. Cantio habita MDCXXI. „ Magnus cultor fuit Romanæ Sedis Cantius,  
 „ & eam frequenter pedibus adibat , ut veneraretur ter-  
 „ ram illam , quam Apostolorum diva vestigia presse-  
 „ runt „ Quum vero eam typis mandasset MDCXXIII. in  
 Litera dedicatoria ad *Episc. Cracovien. hæc habuit* .  
 „ Claram patriæ nostræ facem , ardentem Dioecesis Cra-  
 „ coviensis candelam , splendentem , & flammantem Regiæ  
 „ Urbis Cracoviensis lucernam , B. Johannem Cantium  
 „ Vestræ Reverendissimæ Celsitudini offero : sanctitate  
 „ celebris , doctrina gloriosus , magnis de Cælo donis  
 „ locupletatus „ .

## N O N U S

ANNO CLIV.

P. Abraham Bzovius in *lib. Annalium Ecclesiasti-*  
*corum typis mandato Colonia Agrippinæ MDCXXVII.*  
*tom. 8. fol. 83. num. 21.* ad annum MCCCCLXXIII. „ Hoc  
 „ anno celeberrimus , ac egregius vir Magister Johannes  
 „ Cantius , Professor , & Lector ordinarius Sacræ Theolo-  
 „ giæ in Gymnasio Cracoviensi , in pervigilio Nativitatis  
 „ defunctus , & in Ecclesia S. Annæ sepultus , signis , &

H

„ mira-

58 DE VITA ET REBUS GESTIS

„ miraculis coruscare coepit , & usque in hanc diem va-  
 „ rios languores , diversosque morbos hominum , &  
 „ jumentorum curare non desinit ; adeo ut dignus cen-  
 „ seatur qui Cathalogo Sanctorum inscribatur „ .

D E C I M U S

ANNO CLXXIV.

Spondanus in prosequutione Annalium Baronii im-  
 pressa MDCXXXVIII. tom. 2. ad annum MCCCCLXXIII.  
 „ Hoc vero item anno , Miechovius celeberrimi Docto-  
 „ ris Cracoviensis Johannis Cantii obitum ponit , ac  
 „ multis , & stupendis miraculis sanitatum ; necnon  
 „ mortuorum resurrectionibus coruscare coepisse , &  
 „ ad sua tempora perseverasse scribit „ .

Nec alii desiderantur praelari nominis veteres ;  
 recentioresque Scriptores ; verum ab iis abstineam ;  
 quum jam recensitos , & numero , & auctoritate plurimum  
 valere intelligam ; & suarum virtutum fama satis cla-  
 rus Johannes ubique terrarum habeatur . „ Quoniam  
 „ mirificavit Dominus Sanctum suum . *Psalm. 4.* „

F O R M A

*Apostolici judicii servati in Caussa Canonizationis  
 B. Johannis Cantii .*

Novis in diem signis Johannes quum effulgeret ,  
 ac sanctitatis fama latius celebraretur , per Cracovien-  
 sem



fem Antistitem, de ipsius vita, moribus, atque miraculis est institutus Processus; quo confecto, ac mature discusso, Urbanus VIII. P. M. ex speciali commissione suo charactere obfignata, discutiendam Causam commisit Sacrorum Rituum Congregationi, præcepitque, ut generali omiffa, ad particularem Inquisitionem procederetur. At quia ea haud quivit instrui, adacta est causa filere, donec 1666. ad trutinam revocari contigit; novam commissionem re assumptionis in statu, & terminis, in quibus causa ipsa reperiebatur Alexandro VII. P. M. admittente, atque signante.

Literis exinde remissorialibus expeditis, ad construendum particularem Processum super cultu immemorabili eidem Beato exhibito, & casu excepto a Decretis ejusdem Urbani VIII., hoc absoluto per Reverendissimum Episcopum Laodicensem, ab eodem est lata pro utroque sententia; cujus adprobatio a S. Congregatione die 21. Martii 1676. prodiit per hujus modi Decretum:

„ In causa Canonizationis prædicti Beati per Emi-  
 „ nentissimum, & Reverendissimum Dominum Cardi-  
 „ nalem Vidonum Ponentem, proposito & discusso Du-  
 „ bio in sacra Rituum Congregatione „. An sententia  
 Reverendiss. Episcopi Laodicensis Judicis subdelegati la-  
 ta, super cultu immemorabili eidem Beato exhibito,  
 & casu excepto a Decretis *fel. record.* Urbani VIII., in  
 Congregatione Sanctissimæ Inquisitionis editis, sit confir-

60 DE VITA ET REBUS GESTIS

manda: , in casu , & ad effectum ; de quo agitur ?  
 „ Eminentissimi , & Reverendissimi Domini Cardinales  
 „ eidem sacrae Congregationi Præpositi , audito pariter  
 „ Reverendissimo Domino Fidei Promotore in voce ,  
 „ & in scriptis , censuerunt constare &c. , & prædictam  
 „ sententiam esse confirmandam , si Sanctissimo Domi-  
 „ no nostro placuerit „ .

*Hac die 21. Martii 1676.*

„ Et facta de predd: Sanctissimo relatione per me  
 „ Secretarium , Sanctitas sua benigne annuit „ .

*Die 28. ejusdem mensis Martii 1676.*

Illas novæ consequutæ sunt Literæ pro speciali In-  
 quisiione ; quæ dum institueretur , Innocentius XI. P.M.  
 ad Serenissimi Poloniae Regis preces die 27. Septem-  
 bris 1680. , ut in anniversaria die obitus B. Johannis Of-  
 ficium , & Missa de communi unius Confessoris non  
 Pontificis , sub duplici ritu in Civitate Cracoviæ , ac in  
 universo Poloniae Regno recitari , atque celebrari pos-  
 set , benigne annuit ; ut ex subiecto Decreto constat :  
 justis de causis postmodum concedente eadem sac. Rit.  
 Congregatione , ut solemne transferretur festum in diem  
 19. Octobris .

„ Cum Sacra Rituum Congreg. habita die 21. Martii  
 „ 1676. , annuente etiam Sanctissimo die 28. ejusdem Men-  
 „ sis & anni , proposito per Eminen. D. Card. Vidonum  
 „ ac

„ ac discusso Dubio . „ An sententia Reverendissimi  
 Episcopi Laodicensis Judicis subdelegati, lata super cultu  
 immemorabili prædicto Beato Johanni Cantio exhibito ,  
 & casu excepto a Decretis *fel. record.* Urbani VIII. ; in  
 Congregatione Sanctissimæ Inquisitionis, super non cultu  
 editis, sit confirmanda. „ censuerit constare de cultu  
 „ immemorabili, & prædictam Sententiam esse confir-  
 „ mandam. Nunc vero Sanctissimus Dominus Noster  
 „ Innocentius XI. piis precibus sibi porrectis a Domino  
 „ Duce Michaelē Radzivil, Serenissimi Joannis III. Regis  
 „ Poloniæ apud Sanctitatem suam Oratore obedientiæ,  
 „ nomine præfati Serenissimi Regis, benigne annuendo  
 „ indulget, ut imposterum quolibet anno die anniver-  
 „ sario obitus dicti Beati possit recitari Officium, & ce-  
 „ lebrari Missa de communi Confessorum non Pontifi-  
 „ cum, in Civitate Cracoviæ, & in toto Regno Poloniæ  
 „ sub ritu duplici, juxta rubricas Breviarii, & Missalis  
 „ Romani, ab omnibus Christianis utriusque sexus  
 „ tam Sæcularibus, quam Regularibus, qui ad horas  
 „ canonicas tenentur, quibuscunque in contrarium non  
 „ obstantibus, & literas in forma brevis expediri man-  
 „ davit. „

*Hac die 17. Septembris 1680.*

Inquisitione interea speciali peracta, ejusque com-  
 probata validitate, die 5. *Junii* 1698. instructum examen  
 est virtutum in gradu heroico, quarum adprobatio  
 die 4. *Julii* 1733. per subsequens manavit decretum.

„ Cum



„ Cum in caussa Canonizationis B. Johannis Can-  
 „ tii Presbyteri Sæcularis , & in Universitate Academiae  
 „ Cracov. Professoris, post approbatam a *Sac. Rit. Cong. die*  
 „ 21. *Martii* 1676. cum subsecuto Summi Pont. beni-  
 „ gno assensu sententiam , ad Episcopo Laodicen. Judice  
 „ subdelegato latam , super cultu immemorabili ipsi Bea-  
 „ to exhibito , sive casu excepto a *Decretis san. mem.*  
 „ Urbani VIII. , nec non etiam post concessionem il-  
 „ lius diei Festi cum Officio , & Missa de *Com. Conf.*  
 „ non *Pont.* sub ritu *dupl.* pro Civitate Cracovien. , ac  
 „ universo Regno Poloniae sub die 17. *Septembris a*  
 „ *san. mem.* Innocentio Papa XI. factam , constructi  
 „ fuerint Processus Apostolici super virtutibus , & mi-  
 „ raculis in specie , dicti Beati . Quare examinata fu-  
 „ subinde validitate eadem , a *Sac. Rituum Congregatio-*  
 „ ne die 5. *Octobris* 1697. , annuente quoque Summo  
 „ Pontifice fuit approbata ; his itaque peractis ad instan-  
 „ tiam Canonici *Robertson.* hujusmodi causæ Postula-  
 „ latoris , nomine etiam Universitatis Academiae Craco-  
 „ vien. ex dispensatione Apostolica per Eminentissimum ,  
 „ & Reverendissimum Dominum Cardinalem Pico Peno-  
 „ nentem , in *Sac. Rituum Congregatione* ordinaria ab-  
 „ sque interventu Consultorum infra scripto Dubio pro-  
 „ posito , nempe „ An constet de virtutibus Theologicali-  
 „ bus , & Cardinalibus , nempe Fide , Spe , & Charitate  
 „ in Deum , & proximum ; & de Cardinalibus, Prudentia ,  
 „ Justitia , Fortitudine , & Temperantia , earumque an-  
 „ nexis in gradu heroico , in casu , & ad effectum , de  
 „ quo

quo agitur ., Sacra eadem Rituum Congregatio, in scri-  
 ,, ptis , & in voce Reverendissimo Cavalchini Archie-  
 ,, piscopo Philippen. Fidei Promotore prius audito , re-  
 ,, scribendum censuit . Ita constare de virtutibus , ut  
 ,, possit procedi ad discussionem miraculorum , si San-  
 ,, ctissimo Domino Nostro visum fuerit , .

*Die 4. Julii 1733.*

,, Factaque deinde per me Secretarium de prædi-  
 ,, ctis Sanctissimo Domino Nostro relatione , Sanctitas  
 ,, sua præfatum Sacræ Congregationis Decretum adpro-  
 ,, bavit ; & benigne confirmavit , .

*Die 7. ejusdem Mensis , & anni 1733.*

*A. F. Zondadari Pro-Præfectus .*

Loco ✕ Sigilli .

*N. M. Tedeschi Archiepiscopus Apamensis*

*S. R. C. Secretarius .*

Quæ dum agerentur , in Comprotectorem Regni ,  
 ac magni Ducatus Lithuanix expetitur , confirmaturque  
 electio ab eadem Sac. Rituum Congregatione , per  
 quam , & Officium , jam in honorem Beati Viri con-  
 cessum , ad duplex majus est elevatum , ac per octavam  
 protractum juxta infra adnotatum Decretum .

,, Ad pias Serenissimi Augusti III. Regni Poloniæ in-  
 ,, stantias , nec non supplices Rm̃i Adami Stanislai Gra-  
 ,, bouschi Episcopi Culmensis , nomine etiam Rm̃orum  
 ,, Archiepiscoporum , Episcoporum , Cleri , & Populi  
 ,, totius

64 DE VITA ET REBUS GESTIS

„ totius Regni Poloniæ , & magni Ducatus Lithuaniae  
 „ preces , SS. D. N. Clementi PP. XII. porrectas ; & a  
 „ Sanctitate sua ad Sacrorum Rituum Congregationem  
 „ remissas , quibus pro confirmatione electionis B. Joan-  
 „ nis Cantii in Comprotectorem Principalem dicti Re-  
 „ gni , & magni Ducatus Lithuaniae , ac etiam pro ele-  
 „ vatione Officii ipsius Beati a ritu duplici minori , ad  
 „ duplicem primæ Classis cum octava, supplicatum fuit .  
 „ Sac. eadem Rituum Congregatio ad relationem Eñi ,  
 „ & Rñi D. Cardinalis S. Clementis , præfatam electio-  
 „ nem adprobavit , & confirmavit , ac prædicto B. Joan-  
 „ ni Cantio , prærogativas omnes Sanctis Protectoribus  
 „ Principalibus competentes attribuit , supradictamque  
 „ elevationem Officii cum octava juxta petita benigne  
 „ concessit , si SS. D. N. visum fuerit .

*Die 16. Februarii 1737.*

„ Factaque deinde de prædictis per me Secreta-  
 „ rium SS. D. N. relatione , Sanctitas sua benigne an-  
 „ nuit , .

*Die 20. ejusdem Mensis , & Anni 1737.*

„ Ita reperitur &c. „

*T. Patriarcha Hierosolymitanus Secretarius.*

Demum discussis , atque examinatis Miraculis , fu-  
 per quibus Apostolicus Processus validus habitus est 5. Se-  
 ptembris 1739. nullum a Benedicto XIV. eo temporis  
 P. M.



P. M. decretum est prolatum ; nam ex recenti lege ipsius BENEDICTI proposita , atque per suffragantium sententiam probata , non explebant statutum numerum , per quem ad Johannis Canonizationem deveniretur . Quare opus fuit ut alius Apostolicus Processus instrueretur super aliis Miraculis recentioribus , in quorum adprobationem Sanctissimus Dominus Noster CLEMENS XIII. Pontifex Maximus hoc edidit decretum prima Januarii hujusce currentis anni .

## CRACOVIEŒ. CANONIZATIONIS

## B. JOHANNIS CANTII &amp;c.

„ **T** Ametsi S. Sedes Apostolica Divini Spiritus opem  
 „ numquam non sibi adfuturam jure meritoque  
 „ confidat ; non idcirco tamen in iis præsertim , quæ  
 „ gravioris momenti sunt , quidquam eorum prætermittit , quæ ad bene sapienterque deliberandum ex usitatis prudentiæ legibus requiruntur . Atque ita quidem in Causa B. JOHANNIS CANTII Presbyteri Secularis , & in Universitate Academia Cracovien. Sac. Theologiæ Doctoris , & Professoris faciendum duxit :  
 „ Rursus namque ad trutinam revocatis duobus Miraculis , quæ deprecante ipso divinitus patrata ferebantur , primum quidem in Congregatione Generali habita die 3. Augusti 1745. coram san. mem. BENEDICTO XIV. , deinde in Particulari quinque Reverendissimorum Cardinalium , & quatuor Consultorum

„ coram CLEMENTE XIII. feliciter regnante die 22.  
 „ Aprilis anni superioris . Quamvis in hac omnium  
 „ suffragantium vota in adfirmantem sententiam abjif-  
 „ sent , nihil dum tamen statuere SANCTISSIMO PON-  
 „ TIFICI visum est , donec super aliis Miraculis in  
 „ Congregatione Generali coram se examinandis quid  
 „ Rmorum Cardinalium , & Consultorum quisque sen-  
 „ surus esset , audiret . Quum igitur die secunda pro-  
 „ xime elapsi Mensis super novis Miraculis Generalis  
 „ Congregatio coacta fuisset , & cunctis pene suffra-  
 „ giis digna omnino visa essent , quæ probarentur ;  
 „ adhuc tamen SANCTITAS SUA protelandum tam  
 „ grave negotium existimavit , usque dum scilicet Pa-  
 „ trem luminum suis , atque aliorum precibus exora-  
 „ ret . His abunde peractis , accitis coram Se , infra-  
 „ scripta die , Rm̃is Cardinalibus Johanne Francisco  
 „ Albani Episcopo Sabinen. Causæ Ponente , ac Jose-  
 „ pho Maria Feroni Sac. hujus Congregationis Rituum  
 „ Præfecto , necnon R. P. Carolo Alexio Pisani Fidei  
 „ Promotore , meque infrascripto Secretario , duo re-  
 „ proposita , & discussa Miracula in prædicta Congrega-  
 „ tione particulari adprobavit in tertio genere , nem-  
 „ pe „ instantaneæ sanationis Pueri SEBASTIANI LU-  
 „ ZARK ab hæreditaria & confirmata Phtisi ; & subitæ  
 „ sanationis Puellæ HEDUIGIS PASKOVUNÆ ab acuta  
 „ feбри cum integra , & absoluta virium omnium resti-  
 „ tutione : „ atque alia tria in Congregatione Generali  
 „ examinata Miracula pariter adprobavit ; primum in  
 „ „ secun-

„ secundo , secundum vero , & tertium in tertio ge-  
 „ nere , & sunt „ I. Regressus Mercium in Flumen SO-  
 LA prolapsarum , & præterfluentium aquarum impetu  
 procul raptarum adverso flumine ad locum demersio-  
 nis . II. Instantaneæ sanationis MARIANNÆ GAULI-  
 CKÆ a gravi perniciofa febris in mortis agonem ad-  
 ductæ cum subita , & perfecta virium reintegratione ;  
 ac III. demum instantaneæ , & integræ Sanationis ma-  
 gni , & profundi ulceris , a jugulo ad fauces usque fe-  
 re omnia præter tendines , & majora vasa depasti ,  
 fordidi , & foetidissima tabe scatentis cum alimentor-  
 um per ejusdem ostium lapsu in persona ANTONII  
 OLEXOWIC . „ Divino autem consilio factum vide-  
 „ tur , ut hoc de prædictorum quinque Miraculorum  
 „ BEATI JOHANNIS CANTII adprobatione Decrétum  
 „ ea potissimum die prodeat , qua ADMIRABILIS JE-  
 „ SU NOMINIS jucunda memoria recolitur ; quum  
 „ universa , quæ de omnibus Dei Servis mira perhi-  
 „ bentur , EJUS IPSIUS NOMINIS virtute patrata ef-  
 „ se , divinis Literis doceamur . Profecto si usquam  
 „ alibi MARIÆ NOMEN , apud Polonos certe singula-  
 „ rem habet venerationem ; atque idipsum multo ma-  
 „ gis de SANCTISSIMO JESU NOMINE apud eos-  
 „ dem factum iri , spondet excellens illorum Religio :  
 „ Nonmodo propter ineffabilem tanti NOMINIS di-  
 „ gnitatem , sed etiam quia Sacra huic augustissimo  
 „ NOMINI die memorati BEATI Miracula probata  
 „ fuerint . Ita sane , & fervidis , atque iteratis Nationis



68 DE VITA ET REBUS GESTIS

„ illius nobilissimæ votis satis fiet , & avitæ ejusdem  
 „ pietati novum incitamentum , & calcar adcedet .  
 „ Hoc autem Decretum SANCTITAS SUA in Acta  
 „ Sacræ Congregationis Rituum referri , & publicari  
 „ mandavit „.

*Hac die prima Januarii 1767.*

*Joseph Maria Card. Feroni Præfectus .*

Loco ✕ Sigilli .

*V. Macedonius Sac. Rit. Cong. Secretarius .*

Supererat tantum , ut Decretum Canonizationis pron-  
 unciaretur . Ea de re idem Summus Pontifex CLE-  
 MENS XIII. divino auspicato Numine 2. Februarii jam  
 recensiti anni , quo Purificationis Beatæ Mariæ Virginis  
 agebatur Festum , istud tam expetitum Canonizationis  
 B. Johannis Cantii , quum Sanctitati suæ libuisset , so-  
 lemnî peragendæ pompa Decretum edixit .

CRACOVIAN. CANONIZATIONIS

B. JOHANNIS CANTII &c.

„ **V** Itæ celebritatem BEATI JOHANNIS CANTII  
 „ sancte peractis eximiis in gradu heroico Virtuti-  
 „ bus conjunctæ , quamobrem maxime Polonæ Nationi  
 „ admirationi fuit , quam D. O. M. ut lux Ecclesiæ ni-  
 „ tidior refulgeret , famulique sui gressus non tan-  
 „ tum

„ tum Poloni sui Cives , verum etiam universi fideles  
 „ imitarentur , confirmare voluerit vehementius ab  
 „ quinque Miraculorum concessionem dicto BEATO in-  
 „ tercedente patratorum , quæ post maturas discussio-  
 „ nes SANCTISSIMUS DOMINUS NOSTER PAPA  
 „ CLEMENS XIII. die prima Januarii currentis anni  
 „ Apostolico auctoritatis suæ robore firmavit , propo-  
 „ tum exinde fuit dubium in Congregatione Generali  
 „ coacta die 27. elapsi mensis coram SANCTISSIMO „ :  
 „ An stante adprobatione prædictorum Miraculorum tuto  
 „ procedi possit ad solemnem dicti BEATI Canonizatio-  
 „ nem : „ cui Patribus unanimi sensu , collatis suffragiis ,  
 „ *affirmative* respondentibus , non ante tamen SAN-  
 „ CTISSIMUS DOMINUS NOSTER hoc Divini po-  
 „ tius , quam humani iudicii opus absolvere percensuit ,  
 „ quam os Domini consuleret . Hinc jam recurrente  
 „ in universa Ecclesia VIRGINIS Mariæ PURIFICA-  
 „ TIONIS die , quo Sacratissima Mater Templo excel-  
 „ sior in Templum ascendit , duplicem induta gloriam  
 „ intemeratæ Virginitatis , & ineffabilis fecunditatis ,  
 „ ipso adspirante Numine , factum est , ut SANCTI-  
 „ TAS SUA , Sacro expleto , coram se accersitis Re-  
 „ verendissimis Cardinalibus Johanne Francisco Albani  
 „ Episcopo Sabinen. Causæ Relatore , & Feroni Sac. Ri-  
 „ tuum Congregationi Præfecto , nec non R. P. Carolo  
 „ Alexio Pisani Fidei Promotore , meque infra scripto  
 „ Secretario , præsens Canonizationis BEATI JOHAN-  
 „ NIS CANTII quodocumque faciendæ Decretum edi-  
 „ derit ,

„ derit , & in Acta Sac. Rituum Congregationis redigi  
 „ mandaverit „.

*Hac die 2. Februarii 1767.*

*Joseph Maria Card. Feroni Præfectus .*

Loco ✕ Sigilli .

*V. Macedonius Sac. Rit. Congreg. Secretarius .*

Quæ ut per quam celerrime executioni demanda-  
 retur , ad pristinas Regum , cæterorumque Christianorum  
 Principum a Causæ initio S. Sedi exhibitas preces , quum  
 accefferint supplicationes , tum Serenissimi Poloniæ Re-  
 gis STANISLAI AUGUSTI (1) , tum Episcoporum ,  
 ejus-

(1) Post Oscula Pedum San-  
 ctitatis Vestræ , Mei , Regnique  
 Mei humillimam commendatio-  
 nem . Cum non parum intersit  
 Christianis moribus instruendis ,  
 atque ampliandæ Religioni Catho-  
 licæ Viros pietate conspicuos , ac  
 Miraculis in Ecclesia præstantes  
 exemplo proponere , & quam so-  
 lemniori modo eorundem celebra-  
 re memoriam , Sanctitatem Ve-  
 stram humiliter exorandam du-  
 xi , ut Causam Canonizationis  
 Beati Johannis Cantii ad finem  
 perducere , & precibus Præde-  
 cessorum meorum Regum Polo-  
 niæ ad S. Sedem Apostolicam su-  
 per eo iteratis , ac communi de-  
 siderio Civium Regni mei defer-

re , fastisque Sanctorum eundem  
 inscribere dignetur . Quod Pa-  
 ternæ ipsius commendans benigni-  
 tati Apostolicam Benedictionem  
 tanquam certissimum Regni mei  
 tutamen exposco , ac Filiali sem-  
 per Devotione permaneo . Da-  
 bantur Varsaviæ sub tempus Co-  
 mitiorum Regni Generalium .  
 Die VII. Mensis Novembris An-  
 no Domini MDCCLXVI. Regni ve-  
 stræ Mei III. Anno .

Sanctitatis Vestræ

Obedientissimus Filius

STANISLAUS AUGUSTUS  
 Rex Poloniæ .



ejusdem Regni (1), in id summo conatu nitentibus universa Urbe, atque Academia Cracoviensi; dies tandem sextadecima Julii, sacra solemni commemorationi Beatissimæ Virginis de Monte Carmelo; indicta est.

(1) *Inter cæteras Muneris mei, tum Collegii Fratrum meorum partes, non postremas esse censeo, Cultum Sanctorum ac devotionem erga Eos, in Gregibus curæ meæ, ac Fratrum meorum commissis, quam maxime augere. Hinc est, quod cum Beatum Johannem Cantium (quem specialem hujus Regni, a pluribus jam annis veneramur Patrum) æque exemplo, ac præsidio esse continuo experimur; atque cum de integro jam expedito super Canonizatione sua Processu, tam ego, quam Collegium Fratrum meorum certiores redditi sumus, Sanctitati Vestræ enixe supplicandum venit; ut post hæc*


*feliciter tandem peracta examina, communi Christi Fidelium, hujus Regni, ac tam optato Ecclesiarum meæ, Fratrumque meorum Spirituali Solatio quam primum deferre, ac eundem in Albulum Sanctorum recensere dignetur. Quod dum humillime exoro, longævam incolumitatem, & felix Christianæ Reipublicæ Regimen Sanctitati Vestræ, una cum Collegio Fratrum meorum apprecor.*

*Sanctitatis Vestræ  
Obedientissimus Filius,  
& humillimus Servus*

ULADISLAUS  
Archiepiscopus, & Primas.

F I N I S.





*Ut errores, quos in hac Editione irrepsisse comperit, Amice Lector, emendes; hanc tibi Scriptor exhibet paginam: monens a corrigendis ceteris, quæ in Notis, in Synopsi Auctorum, & in Forma Apostolici Iudicii offendes, temporis angustia se fuisse prohibitum.*

# ERRATA

# CORRIGE

Pag. 3.	ceptum	cœptum
6.	litterarum	literarum
7.	Scientiæ	Scientiæ
11.	Cœteris	Ceteris
	Simultationibus	Simultatibus
16.	aprehendit	adprehendit
17.	cœterorum	ceterorum
20.	perfundabatur	perfundebatur
	occurret	occurreret
21.	cum quibus	quibuscum
	quæcumquæ	quæcumque
23.	cœtera	cetera
26.	cœteris	ceteris
27.	quæ	qua
28.	freno	fræno
33.	cœterarum	ceterarum
34.	abusumptis	absumptis
48.	cœterorumque	ceterorumque
53.	meteriam	materiam

## IMPRIMATUR,

Si videbitur Reverendissimo Patri Sacri Palatii  
Apostolici Magistro.

*Dominicus Jordanus Archiepiscopus  
Nicomediæ Vicegerens.*

## IMPRIMATUR,

F. Thomas Augustinus Ricchini Ord. Pred.  
Sacri Palatii Apostol. Magister.



THE HISTORY OF THE  
CITY OF LONDON  
FROM THE FOUNDATION  
TO THE PRESENT TIME

By JOHN STOW  
CITY CLERK  
AND  
JOHN WARD  
CITY CLERK

Printed by I. I. and J. W. at the  
Sign of the Sun in St. Dunstons Church  
in the Parish of St. Dunstons in the  
City of London

